

特21

633



沈 氏



會 子

心

永平性由

洞上佛事編序

吾宗元來無語句。亦一法無與人者。雖然從上之先德。憐兒忘醜。於無言之中。強立言。於無說之中。強立說。以打如幻之三昧。爲黃葉之止啼。名之曰語錄。而關諸般佛事傑作遺稿之供於實用。又成作例之摸範者。甚爲多。然而未見其

能有抄出之以備携帶之便者也。余以爲遺憾。常欲得少閑博閱諸錄。曲蒐集關其佛事者。以頌與吾宗之雲兄水弟也。久焉而未果其志矣。茲舊知一雄禪人。偶訪余之僑居。乃使介之以暫留錫於余上毛龍光精舍。且囑以本書之編纂。禪人曰。是余之宿志。今也。乃時到矣。

自爾拮据黽勉從事。干此未期年。輒告成。且乞冠一言於卷首。檢之則舛裁非不得其宜。抄錄亦非不得其精。然未以足爲大成也。雖則未以足爲大成。亦以不爲無益斯道也。然則饒令爲舊參之上士。若能貯藏一本。以供座右爲其參考。蓋不鮮也。矧復讓與之法。孫則展轉

得其益豈為不大哉。禪人之勞可謂勉矣。余之遺憾於是乎釋矣。乃欣然此記。本書出版之由來。以代序云爾。

維時明治二十九年一月

洞上雲孫 道見杜多敬識

凡例

○由來吾宗ノ雲兄水弟ハ、句雙紙ト稱シ本宗ノ佛事ニ關スル古人先德ノ傑作ヲ寫シテ以テ袖珍ト爲シ、或ハ其儘日常ノ實用ニ供スルアリ、又ハ自己作例ノ參考ニ供シ來レル者モ多カリシ、然レトモ得ルニ從テ摘拾シタルモノナレハ、一トシテ編輯ノ躰裁ヲ備ヘタルモノアラス、間ニ刊行シタルモノハ、四節引導集ト、乘炬集ノ如キモノニ過ギズ、而シテ其ノ騰寫ニ係ル句雙紙ナルモノヲ見ルニ、脱字又ハ鳥焉馬ノ錯字一二ニシテ足ラサル也、依テ思ヘラク好因縁モ有リタランニハ博ク吾宗ノ語録ヲ閱シ、其ノ傑作ノミヲ摘録シ以テ一冊ノ無盡藏誌ヲ編成セント、然レトモ予ガ雲遊萍寄ノ身ハ、未タ以テ素志ヲ達スルノ遑ア

ラナリキ、然ルニ偶々東都ニ遊ビ、一ビ高田道見師ノ寓居ヲ訪ヒ、尋テ師ノ自坊ナル上野ノ龍光精舎ニ看牛セントズルノ因ミヨリ、師ニ謂テ曰ク何ゾ予ニ適當ノ助筆スベキコトハ無キヤト、師ノ曰ク然リ無キニ非ス、而レトモ其事タル容易ノ業ニアラサルヲ以テ、素願ヲ虚シクズルコト年アリト、予曰ク其ハ如何ナル事ゾ、師ノ曰ク他ニ非ス、洞上佛事編ナルモノヲ編成シ以テ初心晩學ニ便セントス、然レトモ之ヲ大成スルニハ幾多ノ日子ヲ費サ、ルヘカラサルコトナレハ、其ノ暇ナキヲ遺憾トセリト、予聞テ欣然ノ情ニ禁ヘス、肅然坐ヲ前メテ曰ク、是レ予ガ宿志ニシテ、師ト大ニ感ヲ同ウセルモノナリ、自今誓テ粉骨碎身ノ勞ヲ厭ハス、悠々其ノ編輯ニ從事セント、時ニ師大ニ之

ヲ喜ビ乃チ予ニ告テ曰ク、多年ノ素願成熟ノ時到レル哉、請フ速ニ從事セヨト、於是乎予ハ專ラ師ノ提携ニ由リ、荐リニ諸錄ヲ蒐集シ、日夜孳々トシテ其編閲ト抄出トニ拮据經營スルコト殆ト一春秋、遂ニ卒ニ此ノ一大篇ヲ成スニ至レリ、是レ予ガ素因ト、師ノ助縁ト相合シタルノ結果ニ外ナラス、然レトモ非才淺識予ガ如キノ抄出蒐錄ニ係リタルモノナレハ、編輯其宜シキヲ得ス、撰擇其精シキヲ得サルモノ無クンハアラス、讀者深ク咎ムルコト勿クンハ幸甚

○卷ヲ乾坤ニ分チ、編ヲ各五編ト作シ、其上卷ニハ年中大小ノ佛事法式等ノ法語ヲ編輯シ、以テ後進ノ實用ニ供ス、故ニ其法語中時ト處ト人トノ三者ニ就テハ、予私ニ某時某

山某氏等ト改補シ、應用者ヲシテ便宜ニ隨ハシム、又下卷ノ如キハ間々一二ノ作法并ニ圖式ヲ示シタルモノアレド、概略上卷ノ目次ニ準シテ其作例ニ便ナルモノヲ編輯セリ、讀者宜シク此意ヲ諒セヨ

○此編未タ體裁ノ完備セサルモノアリテ、杜撰ノ謗ヲ免レスト雖モ、更ニ他日ヲ俟テ校訂増補スルコトモアラシ、讀者亦幸ニ此意ヲ諒セヨ

- 此編ハ凡ソ左ノ諸錄中ヨリ蒐集抄錄シタルモノナリ
- 道元禪師語錄 義雲禪師語錄 通幻禪師語錄
- 實峯禪師語錄 卍山禪師語錄 普濟禪師語錄
- 面山禪師語錄 慧濟禪師語錄 玄樓禪師語錄
- 滴水禪師語錄 千丈禪師語錄 默子禪師語錄

- 玄光禪師語錄 無得禪師語錄 無隱禪師語錄
- 靈潭禪師語錄 大智禪師偈頌 龍牙禪師語錄
- 四六文章之圖 畫龍禪師遺稿 奕堂禪師遺稿
- 聽水禪師遺稿 乘炬集 以上

明治廿八年十二月

編者 謹識

洞上佛事編目次(乾)

◎第壹編上堂之部

- 晉山法語……………一頁
- 開堂法語……………十三頁
- 小參示衆……………二十九頁
- 結制上堂……………四十四頁
- 半夏上堂……………四十九頁
- 解制上堂……………五十一頁
- 完戒上堂……………五十五頁
- 佳節上堂……………六十一頁
- 退院上堂……………六十六頁

◎第貳編法式之部

- 般若轉讀……………六十九頁
- 羅漢供養……………七十頁
- 施餓鬼會……………七十三頁
- 入佛供養……………七十六頁
- 歎佛勝會……………七十九頁
- 懺摩法會……………八十頁
- ◎ 第參編香語之部
- 祝聖拈香……………八十三頁
- 佛忌拈香……………八十七頁
- 祖忌拈香……………九十五頁
- 開山年忌……………百九頁
- 世代年回……………百十三頁

- 亡僧年回……………百二十七頁
- 亡靈年回……………百二十九頁

◎ 第四編秉炬之部

- 尊宿秉炬……………百四十五頁
- 亡僧秉炬……………百五十二頁
- 亡靈引導……………百五十九頁
- 點茶點湯……………二百五十三頁
- 起籠鎖籠……………二百六十三頁
- 收骨安牌……………二百七十頁

◎ 第五編雜錄之部

- 點眼安座……………二百七十六頁
- 塔婆銘文……………二百八十八頁

● 祭文諸疏……………二百九十二頁
 ● 畫像贊辭……………三百二頁

洞上佛事編目次終

洞上佛事編 (乾)

岸和田一雄 編纂

上堂之部



● 晋山法語

○ 某寺晋山

(古德)

山門

天下地大解脫門。依然引步。脚下生雲。

佛殿

當軒獨坐。巍々堂々。白毫光發。照破十方。

伽藍

汝是伽藍神。興隆當厥仁。永荷擔佛勅。須護法安人。

祖堂

祖師心印。狀如面壁。此土西天。將錯就錯。

開山

永平之族天童種。種果相因實福田。更拈寸苗將挿地。兒孫無力懶容肩。

據室

維摩一默。文殊言論。賓主相見。絕見絕聞。雖然恁麼三世諸佛。於此轉大法輪。歷代祖師。於此作大佛事。諸佛要機。列祖機要。衲僧證之。著衣喫飯。衆生得之。七轉八倒。賓主相見。未審有什麼言說。即今鹽

酢多少。與杓柄長短。盡在某甲手裡。如何得頭正尾正受用去。(拂一拂云)拂子住此地。則是佛受用。常在於其中。經行若坐臥。

釣語

恁麼時恁麼處恁麼去。恁麼時恁麼處恁麼來。正當恁麼時。有不涉去來通消息底漢麼。出來商量。(問答畧)

提綱

世尊出世。為救衆生迷方。說三乘法。祖師西來。因底事圓成。單傳心印。說三乘法也。以槩拔槩。單傳心印也。以符合符。雖然如是。衲僧本分事沒交涉。只飢來喫飯。困來打眠。從來清淨不受一點染汚。說

什麼單傳心印三乘五乘。虛而靈寂而妙。有何絲毫欠少。雖然怎麼不修不顯不證無得。諸仁者今日。山河大地有情非情。與某甲一時成道。同音說法。還相證明麼。良久云。水自竹邊流出綠。風從花裡過來香。

自叙

恭惟晚學。某甲三學懶惰。百拙千醜。無所取無所堪。何足辱長老之名哉。今辰何幸受命親視篆當山。慚愧有餘自覺面赤。

謝語

伏惟諸山耆宿。屈尊就卑。賁來此座。頓生顏色。又惟方來雲衲。晦才沒跡。得々遠來。佐予不逮。深銘肺腑。

肺腑。合感謝曷罄。

拈則

記得僧問曹山。佛未出世時如何。山云。曹山不如。僧云。出世後如何。山云。不如曹山。曰。今日有人問山僧。佛未出世時如何。只向他道不行華錦路。又問。出世後如何。更道頭戴華笠子。衆慈久立珍重。

○某山入院

(曹源滴水禪師)

嗟峨此山。佛密移一步。金鎖玄關。挾帶挾路。這布裊帶。宿世冤怨。燒香禮拜。雪屈以恩。

鎮法囑汝。守堂歸吾。一雙鼻孔。如魯似愚。

賣弄雙履。錯分皮髓。咄此白拈。冬瓜印子。

開山

斫開峰巒。拈弄鋤斧。蘆花覆舟。月印古渡。

據室

釋迦覆室於摩竭。淨名閉口於毘耶。山僧作麼生。不離當處常湛然。

祝聖

天地合其德。日月齊此明。心香拈一片。皇道禱泰乎。

垂語

從門入者不家珍。從門不入為山僧。呈露家珍底。漢出來通消息看。
(問答不錄)

提綱

家風無途轍。通大千界裡。有時孤峯頂上。視雲霄。或時古渡頭邊。引水泥。止々不須說。我法妙難思。

謝語

恭以隣峯泪同盟。耆宿四來清衆隨。喜諸兄弟各屈尊。就卑為山僧。扶助視篆之法會。下情不堪感謝之至。

拈則

記得黃龍明禪師僧問。世尊出世。魔界傾頽。和尚開

堂有，何祥瑞。明云：一夜落花雨。滿城流水香。黃龍恁麼好消息。亦是依樣畫胡盧。山僧若值此問。便向他道。燈籠作舞。露柱破顏。且道與黃龍底。消訛多少。
（拂一拂曰）三千劍客今何在。獨許莊周致太平。伏惟衆慈久立珍重。

某山入院

（無隱道費禪師）

（指山門云）禹門三月浪。特地起風雷。振鼓擺尾者盡從這裡來。思（舉拄杖云）還看麼。自合不。當軒大坐。華巍々堂々。腦後圓光。照十分刹。雖然如

是。今佛來也。不免蓋覆却。
（便禮）

土地堂

峩冠斫額。聰明神通。任他赫々濯々。須識得主人翁。

祖師堂

西天婆羅門。東土異李四。金毛獅子兒。入野狐窟裡。

據室

從上祖師。據此個室。橫說豎說。全提半提。多少費盡手脚。要且未知向上。一著子在。新長老到這裡。車橫不推。理拄不斷。諸人要知麼。
（良久曰）幾乎墮覆轍。

陸堂

（垂語云）若論此事，三世諸佛只言自知。歷代祖師全提不起。一大藏經詮註不及。明眼衲僧自救不了。雖然如是盡法無民。即今莫有致將一問來底麼。（問答略）

提綱

去來不以象。羅十方於目前。動靜不以心。空三際於當念。羅十方處物々皆真如。空三際時頭々無變易。直得全機透脫，萬法齊彰。隱顯非他，卷舒在我。有時向平田淺艸，偃干戈賀太平。有時向銀山鐵壁，建法幢立宗旨。便見維摩龐老高，豎降旗。臨濟德山退，七百里。正當恁麼時，超佛越祖談則且置。應緣利物，一句作麼生通。（良久云）拄杖頭涌出金剛劍。四生九有示津梁。

拈則

舉教中曰：妙峯孤頂，德雲比丘。從來不下山。善財去尋七日不逢。却在別峯相見。及乎見了，却與他說一念三世一切諸佛智慧光明普見法門。曰：圓融不得行布。行布不得圓融。帝網重々具足，主伴。一句顯露不敢覆藏。還委悉麼。其或未然。（拂一拂云）須知十洲三島外，別有一乾坤。

○某寺進山

（玄樓與龍禪師）

大門

新條日月。特地乾坤。要知端的。須入這門。

佛殿（本尊觀音大士也）

入流亡所。圓通狀元。個中無佛。正好稱尊。

據室

鳶飛戾天。魚躍于淵。勿怪老衲。向個中眠。

陞座

（卓柱杖一下曰）是什麼。有道得底麼。不妨出來容箇

一場敗缺。（問答此略）

提綱

要會佛法自是有佛界在。要知世法須向世間學得。我這裡不是佛界不是世間。所以毫也無佛法毫也無世法。雖然與麼是賊來可打客來可待。諸仁者總是今日客。畢竟將甚麼待取。（拂一拂曰）雲在嶺頭閑不徹。水流

澗下太忙生。（謝詞略）

拈則

舉麻谷徹禪師。一日與丹霞行次。至麻谷山。徹曰某甲。向這裡住也。霞曰住即且從。還有那箇也無。徹曰珍重。半日麻谷住山可謂太得穩當。山僧今日向這裡住。若又有人問住即且從。還有那箇也無。則答道一任汝摸索。

●開堂法語

◎某寺進山開堂

（曹源滴水禪師）

三門

盡大地解脫門。因甚恁地建立。於是若辨端倪。不妨

把手同入。

佛殿

雲門乾屎橛。洞山麻三斤。且道。是讚佛是謗佛。 啖
這裡不須論讚謗。 金爐炷拍氣氤氳。

伽藍

聰明正直。維神之德。護法安人。 維神之職。 善哉五々
百年時。不妄靈山先佛救。

祖堂

風吹桂花。清香滿地。 少林直指禪。 吾無隱乎爾。

據室

德山棒如雨點。 臨濟喝似雷轟。 新某甲不打這般鼓笛。

要無事樂清平。 何故始國齊家不在兵。 魯連一箭亦
多情。

大檀疏

毘耶城裏瞻葡華。 大梵手中金波羅。 要識殊妙香色。
披斯文讀一過。

山門疏

元是山中人。 愛說山中話。 松柏清音。 錦繡紋彩。

諸山疏

東峯分未了。 青。 西嶂送歲寒。 翠。 萬金買鄰。 良其有以。
拈衣

一牧牛皮。 曹源不傳。 因甚落在山僧手裏。 (提起曰)

頂戴搭披。瘦骨牛肩。

法座

向上一路。平坦崎嶇。等閑進步。踏斷毘盧。(便陞)

拈香

這三瓣香。葵向寶爐。端為祝延。

今上皇帝大寶萬歲。陛下欽願。

聖德彌光。八荒懷克讓之禮。

皇恩普被。四海唱康哉之歌。

這香葵向爐中。恭為文武百官諸僚。祝讚福壽亨寧。

仰願。蒙霽仁風。回伊周之嘉政。

金湯佛國。追揚李之高蹤。

這香為本寺大檀越某甲洎諸檀度。資倍福壽。

普願。仁智淵懿。長擒邦家光輝。

誠信醇精。恒作佛法鎮護。

(拈懷中香曰)此片朽木。非崑崙耳。非鵬鵠斑。論賤

則輕於一葉。論貴則重於千山。昔年發首先馨香於補

陀巖上。今日通第二氣息於覺皇峯下。恭葵向爐中供

養。先師某老和尚。酬似我債。(敝衣就座)

白槌曰。法筵龍象衆。當觀第一義。

垂語

欲識佛性義。應觀時節因緣。衆中無有知時節因緣底

麼。出來相見。(問答此略)

提綱

此事若真正舉揚。山僧未出方丈以前還較些子。鐘鳴，鼓震。速乎登此法座。鼓兩片皮。直是白雲萬里。雖然如是。一向把住則太殺不近人情。一向放行則也是埋沒已靈。正與麼時。兩頭相得如何。獲諦當去。平坦坦地。壁立萬仞。峭巍巍處。土面灰頭。到這裡。拈一莖艸。作文六金身也得。把丈六金身。作一莖艸也得。從上祖師用此一著。縱橫無礙。冥應衆緣。不墮諸有。所以道。銀盃盛雪。明月藏鷺。類之不齊。混則知處。有人於此。辨得分明。離却三滲漏。透過四禁語。假饒恁麼。檢點將來猶是半提。作麼生是全提。

(良久云) 威音王未曉。彌勒豈惺々。(叙謝不錄)

舉雲門偃禪師僧問。如何是透法身句。門云。北斗裏藏身。拈曰。雲門老漢雖答得新鮮。檢點將來猶是法身邊事。若問山僧如何是透法身句。對他道。陋巷不騎金色馬。廻途却著破襦衫。伏惟衆慈久立珍重。

白槌曰。諦觀法王法。法王法如是。(便下座)

○某寺進山開堂 (記山道白禪師)

三門

既是一門爲甚麼喚爲三門。(卓拄杖曰) 是三是一較多少。唯有慈尊暗點頭。

佛殿

趙州殿裏底。雲門屎橛頭。相見了也。萬古徽猷。

靈臺應感。明鏡離塵。賞善罰惡。護法安人。衆如有過。莫尤衆。其罪屬吾歸一身。

祖師

驢腮馬頰。一任人疑。銅頭鐵額。總被汝欺。業風交輾。扶桑國。惱亂人天。無了時。

據室

淨名杜口。於此。山僧開口。於此。開之與杜。相去幾何。推之。輓之。主於車行而已。

拈疏

筆尖開五彩花。粲然照眼。

機中凝一味信。粹然傾腸。

只要龍見。不許龜藏。此事明々誰得怪。便勞維那作宣揚。

宣揚。

拈衣

福田無相。佛祖有傳。因緣拈出相傳表。密々綿々覆大千。

法座

座是法空座。願大衆曰。人皆我空人。二空所顯何真理。風拂須彌絕寸塵。便陞。

拈香

趙州殿裏底。雲門屎橛頭。相見了也。萬古微猷。

靈臺應感。明鏡離塵。賞善罰惡。護法安人。衆如有過。莫尤衆。其罪屬吾歸一身。

祖師

驢腮馬頰。一任人疑。銅頭鐵額。總被汝欺。業風交輓。扶桑國。惱亂人天。無了時。咦。業

據室

淨名杜口。於此。山僧開口。於此。開之與杜。相去幾何。推之輓之。主於車行而已。

拈疏

筆尖開五彩花。粲然照眼。

機中凝一味信。粹然傾腸。

只要龍見。不許龜藏。此事明々誰得怪。便勞維那作宣揚。

拈衣

福田無相。佛祖有傳。因緣拈出相傳表。密々綿々覆大千。

法座

座是法空座。(願大衆曰)人皆我空人。二空所顯何真理。風拂須彌絕寸塵。(便陞)

拈香

此，一瓣香。圓融五分法身。以為其體。和合百千功德。以揚其勞。

焚向寶爐。端為祝延。

今上皇帝大寶萬歲。陛下恭願。仁德直與大地齊大。

聖運方兼長天共長。

此香。不自天降。不從地產。雖是突出難辨。有鼻孔

者。即通。焚向爐中。奉為文武諸官員。暨本寺大檀那

護法諸居士并諸山耆德山門清眾等。伏願。不唯上和

下睦。君臣同施仁化。又能內修外護。真俗并扇祖風。

（次拈懷中香曰）此香本在五蘊山中。往年拾得益芳。我

懷中非不密。奈何隱之彌彰。今日人天眾前分明拈出。

供養

當山中興先師某老和尚。用酬法乳之慈恩。

（斂衣就座）白槌畢。

垂語

實際理地不容針。佛事門中通車馬。法筵圍繞無舌人

不知誰是解語者。有麼。試出來。（問答不錄）

提綱

若人識得心。大地無寸土。若人識得身。毘盧有真主。

大地無寸土。徧界不曾藏。毘盧有真主。徧界不曾露。

直得。明暗交參。正偏回互。正與麼時機。不墮位一

句如何道取。（良久曰）戶樞不蠹。流水不腐。

(叙謝不錄)

舉太祖瑩山瑾禪師。拈拄杖示衆曰。勸懲檢點。烏藤看花向。不萌枝上開。者箇拄杖子。是汝諸人本具底。未審諸人還知得麼。卓一卓曰。靈木迥然。鳳無依倚。太祖既如是。新長老又且如何拈掇。迥然靈木暗抽枝。群鳳不妨依倚時。洞上文章重潤色。煥乎精彩照叢規。即今要見本具底麼。(以拄杖卓一卓曰)四海香風從此振。堯天何處不歸仁。伏惟衆慈久立珍重。(白槌畢)

○某寺進山開堂
(無得良悟禪師)

一問入得。萬戶等開。未通達者。請隨我來。

佛殿
釋迦已去。彌勒未至。二佛中間。誰居正位。喝一喝。

舊伽藍神。新主人公。佛手驢脚。共扇祖風。

直指曲指。單傳不傳。將錯就錯。終至驢年。

(指方丈曰)室少十笏。圓同太虛。併吞萬象。無欠無餘。今山僧於中。又且如何。不入驚人浪。難逢稱意魚。

鷲嶺別傳。許少室直指。欲辨端倪。高側兩耳。

山僧是主。若山僧大衆互成賓主。是亦係時與居也。若
不爲時轉。不爲居移。則賓中有主。主不是主。主中有
賓。不是賓。昔者洞山問隱山高祖云。賓主相去幾何。
隱山云。長江水。上波。洞山云。賓主相見有何言說。
隱山云。清風拂。白月。洞山問答分明。各宜證明。即今若問山僧。賓
主相見有何言說。只向他道。銀盃盛雪。明月藏鷲。又問。賓
主相見有何言說。又道。類之不齊。混則知處。正與麼
時如何。山僧談佛祖位中事。秋夜長。秉燭遊。願觀大
佛。不隨來也。二十八日。百首。無得良。悟神師。或重
問。答。不。錄。問。題。曰。達磨大師帶得。杖。株。無。根。樹。萬。里。得

西來。九白培。少林。一華開。五葉。臨濟得之。立三玄。
洞山得之。開五位。雲門得之。作三句。潯陽仰得之。爲體用。
法眼得之。爲一滴水。各開門戶。互擅其美。我始祖永平
和尚入宋。等間分得。移向大倭。到今四百餘載。枝分葉
茂。聯綿于六十餘州。山僧昔日攀得。一。枝。或灌西北。
或培東南。晨省夕。三十餘年。未曾深根。這回移來。當
山。欲假衆力。栽培。且道。無根樹。即今在那裏。便接柱
杖。壁曰。直待根生。○入院當晚。小參。三昧王三昧。離位。從來不墮功。
空劫壺中。閑自己。夜明簾外。主人公。人天模範。利方大。

佛祖要機趣不窮。欲會神通遊戲意。鶴騰霄漢出銀籠。諸人却甘得麼。唯佛與佛乃能究盡。迷悟凡聖一時消融。所以道。三賢猶未明斯旨。十聖那能達此宗。若得達此宗。則釋迦彌勒。可立下風。諸人如何修證。得達此宗去。(良久曰)有星皆拱北。無水不朝東。舉石頭和尚道。我箇法門。先佛傳授。不論禪定精進。直達佛之知見。師曰。無上也。輪王髻中之寶灼爍。無價也。窮兒衣內之珠玲瓏。合為眉間白毫。照十方佛土也。且還他石頭祖翁。即今有人。問山僧如何是佛之知見。但向他道。彩鳳舞風銀漢曉。祥雲半掩紫微宮。

四 ○歲且示衆

無始而有終者迷妄也。有始而無終者正覺也。有始亦有終者歲月也。且道如今日為妄所攝。為覺所攝。試請辨端的來。(問答不錄)昨日年窮今歲且。明友祖意任君看。九如保壽和三陽。瑞色鮮新加一段。

○歲且示衆

三陽開泰。万象皆春。正恁麼時。若道佛法有。屈着清鏡。若道佛法。無屈着智門。唯是八兩半斤。有什麼斬新處。一法若有毘盧墮在凡夫。一法若無普賢失其境界。一法若若有若無。春風描紋于水面。毘盧

普賢凡夫法界。夜雪放花於樹頭。若能於此觀破新年，
第一機去。不妨為毘盧師法界主。還委悉麼。(卓拄杖
云)六龍已駕隨曦和。四海入荒光燦爛。

○除夜小參

(栴崖奕室禪師)

承言須會宗。正當大盡心宗折合底作麼生。(問答畢)

迺曰。此一發七終云格也。宗極始。盡終。能即物

亦不塞。如靠山虎。似得水龍。回頭失斗柄。應手弄

鉞鋒。拗折閻羅屈棒。脫離風處脂祛。爭窮賴是無餘

算。却外春風遍戶墻。

○除夜示衆

(同)

四序循環不暫休。一年將盡若為酬。人人總是他鄉子

想像藍關客路悠。謹白參玄高士。故鄉想破人亡。畢

竟欲歸甚處。勿言皓玉無瑕。不須彫文喪德。唯是客

作狂見。前不構邸。後不迭店。直須拋却玄妙奇特。

勘過木人石女始得。不見洞山道見佛與祖。如生冤家

當有參學分還委悉麼。(良久云)天荒地老當寒殺。

勿待春風拂鬪體。

○臘八示衆

(曹源清水禪師)

凜々寒威肌起鱗。麻餐艸坐凝全身。見星端的鬪體活

摸著畫梅面目真。靈鷲山嶺重敗闕。賊心取笑破顏人

餘薰狼籍二千歲。臭殺鼻頭冤怨頻。

○除夕示衆

(同)

三百六旬夢示場。臘天今夜感懷長。少年可想老衰境。健日堪觀病患牀。願養豈唯慎起止。修行正好畜資糧。悠悠空送光陰去。生死岸頭手脚忙。

除夜小參

(無礙道長禪師)

問答不幾。八迺日一年三百六十日。日日數來。逗到今夕。恰相似人間老極壽盡孤燈沈沈時節。諸兄弟還曾做得。玉夫熟麼。若或未然且論三萬六千是。誰知四十九非。舊歲送舊歲去。至久遠劫不有駐。新年迎新年來。至未來際不數足。忽爾回頭時。當處全體露。久遠劫未來際。實元不出。念作。是故六萬恆沙非為多。人二三單。

除夜示衆

(同)

何為少。頭空三昧難思。箇人鼻孔相拄。且悉皆使白頭兒。就黑頭父守護蓮經弘通。茲土。今冬吾新舊徒弟。雖不成雙。亦曾踏圓頓軌度。會得為萬物根元。作天地太祖。不然明朝又是一生二生三。

結夏小參

(瑞方面山禪師)

迺曰。統無邊刹境。為伽藍。唯是一安居。接河沙群生。為結衆。未見第二人。神通也。容億劫於念々。妙用也。入三昧于塵々。縱是暗中有明。明中有暗。亦得賓外無主。主外無賓。到這裡文殊三處擊顛。蝦跳不出斗。黃面九旬拱默。藏影却露身。大衆作麼生行履。得圓融無礙去。(良久曰)玉鞭擊碎珊瑚月。衲子鼻尖氣。

惠新

記得雲門大師云。今月十五日入夏也。寒山子作麼生。
 自代云。和尚問寒山。學人答。拾得。師曰。好大衆。低高自
 在也。冲霄之彩鳳。縱橫無礙也。出圈之瑞麟。須是
 退步以荷擔。勿謂向南看北辰。離然恁麼。今日若有
 人。問山僧。入夏也。寒山子作麼生。答曰。竹裡無人
 見。次香過右橋。且道與韶陽是同是別。(收拂曰)
 慙慙爲解。丁香結。放出枝頭自在春。

◎半夏小參

(瑞方面山禪師)

「昔國真云」。天真而妙。不屬迷悟。因緣時節。寂然
 昭著。直得無盡過去際。從者裡出生。且道者裡是

什麼時節。(來下語了)乃曰。叢林此日。半夏打扇。
 不免爲衆。舉一則。因緣。應時節去。

記得壽昌禪師示衆曰。月半前用鉤。月半後用錐。時
 有僧出問。正當月半時如何。昌云。泥牛踏破澄潭月。
 山僧今日。依樣畫猫兒去。夏半前不用鉤。夏半後不
 用錐。若有人問。正當夏半時如何。即道。只用一柄白團
 扇。因甚恁麼。聽取一偈。圓明常寂照。動用匪塵埃。
 暑向那邊去。涼從者裡來。掌中珠宛轉。指外月裴回。
 變弄竹兼紙。風流於妙哉。時中極熱。伏惟大衆各自
 保任。

◎結冬小參

(瑞方面山禪師)

西天四七。東坐二三。修不離證。蓋自合函。須信。虛明自照。不勞心力。何用。意在西北。眼見東南。水清涵涵。夜月。風寒山捲曉嵐。正與麼時。耳對肩也。向出活計。舌柱齶也。格外玄談。畢竟如何。直下諦了那邊事。一冬宜向這裡參。 (魯龍靈潭和尚)

○解冬小參。 (魯龍靈潭和尚) 各制此解。各去東西南北。行脚時節到來。由是打一偈。以贖。嘉州大像趙州橋。公案現成觸處昭。若復突樂藥地去。錯留刃字却為刀。 (良久) 且摘楊花摘楊花。 (同)

○解冬示眾。 (同) 輪囷室界白牛車。推轂九旬轟大盧。此好去方來化身佛。不須囑累布。 (同)

不須囑累布。 (同) 結夏示眾。 (同) 七百年前平崇上人。出如幻三昧。建梵刹於一莖草上。內秘祖意外現教意。七百年後我老和尚。入如幻三昧。安蒲團於三條椽下。內秘教意外現祖意。且道祖意與教意是同是別。昔有無舌人忽解幻語云。金烏東上人皆貴。玉兔西沈佛祖迷。只此兩句直如生鐵鑄成相似。全無縫罅。纔動舌頭。即墮幻惑。經曰。幻滅滅盡。非幻不滅。縱有一法名非幻。我道又是幻。山僧恁麼幻示。意在。 (同) 吹毛用了急須磨。 (同)

○解夏示眾。 (同) 吹毛用了急須磨。 (同)

十五日已前。不藕絲孔裏隱形山。十五日已後。針鋒頭上。筋斗。一正當十五日。依舊眉毛橫眼上。若人識得眉毛。一生參學事畢。僧問曹山如何是目。山曰。端的去。僧云。如何是眉。山曰。曹山却疑。僧云。和尚為甚麼却疑。山曰。若不疑。即端的去。大衆裏會曹山意麼。山僧今日勞倦更待諸人再來。重為說破。此中若有個多口漢。道謝和尚勝饒。便向他道。莫忘却拄杖子。曹源滴水禪師

○結冬小參
曹源滴水禪師

昔德曰。佛法在正。人不在乎盛。一在正則鬼神莫測其由。在盛則鬼神能妬其福。師曰。這裏亦要在正而不欲在盛。所謂在正者。先要使其心地正。心地正則身業正。身

業正則財業正。三者已正。則萬種千般。總無不正。故道。鼻孔歪則一切皆正。到這裏非具眼底。怎麼說話。悉屬邪正間。何故。壺中自有佳山水。終不敢尋五老峯。

○解夏小參

(曹源滴水禪師)

舉古人曰。汝等諸人在我這裏過夏。與爾點出五般病。一不得向萬里無寸草處去。二不得孤峯獨宿。三不得張弓架箭。四不得物外安身。五不得滯於生殺。師拈曰。諸禪德。偷一處有滯。自救不了。直須參透五般玄關。激揚列祖真風。(良久曰)寒光一帶望何窮。誰辨箇中龍退骨。

○結夏示衆

(曹源滴水禪師)

不圖作祖與成佛。粥飯隨緣萬念疎。坐斷無邊華藏界，蒲團禪板好安居。

○半夏示衆

(同)

九夏須臾過，半夏餘陰一瞬又應知。參玄須救頭燃火，縱教炎雲蒸四圍。

○解冬示衆

(同)

學道直須氣似王。休將間事著思量。脚跟有箇通霄路，掉臂遨遊誰肯妨。

●結制上堂

(同)

盡乾坤大法界。是我三箇身，便能禁足。遍塵刹諸有情。

是我真箇漢方解護生。禁足也步步不妄移。護生也心

不妄動。所以道以大圓覺為我伽藍。身心安居平等性智。佛到此同歸。人人住此法爾。還要委悉麼。

(良次百) 一輪皎月大圓覺。刹海三千鐵一團。步步

點空無朕跡。人人喚為我伽藍。

○結夏止堂

(龍山道白禪師)

舉黃龍死心和尚告衆曰。龍山僧行脚三十餘年，以九十日為一夏。增一日也不得，減一日也不得。永平日三十餘年行脚眼，纔所徹見九十日為一夏安居耳。如兩老恁麼道。畢若非具行脚三十年眼目，爭得辨安居九十日道理。雖然喚甚為行脚眼，不喚甚為九夏日月。觀彼久

遠猶如今日。且作麼生是不增不減的。前後際斷非去來合。畢竟如何知法者懼。

○結夏上堂

(瑞方面山禪師)

(以拂子打一圓相云)不唯此聖制。且公案現成。十方佛陀之命脉。歷代祖師之眼睛。由七尺單前用之。凡坐三條椽下借之。經行。如照妍媸之冰鑑。似應輕重之權衡。所以道。十二處亡。閑影響。三千界放淨光明。到這裡。縱得棒頭取證。喝下承當。人亦是模象。生盲。諸兄弟作麼生相應得。七縱八橫。(聖拂云)勿嫌淡泊家風古。丈六

金身草

結冬止堂

結冬止堂

古佛有例。結制三冬。十方智者。皆入此宗。端坐也。徧虛空無露影。緩步也。盡大地不見蹤。空心於霜竹。保操於雪松。相續靈山少林之嘉轍。堪受梵天帝釋之妙供。正與麼時逆行順行。具得什麼自在神通。(良久云)巨靈擡手無多子。分破華山千万重。

○結冬上堂

(玄樓與龍禪師)

天運循環。結冬此至。十方諸佛。四海禪林及蝦蟆蚯蚓漆桶木杓。法住法位。禁足安居時節也。釋迦老子曰。佛子住此地。則是佛受用。常在於其中。經行若坐臥。若假令出格。如石頭馬祖。過量似臨濟德山。至此時。雖而不能出其中。若何故。如是天網恢恢。疎而不洩。正

恁麼時畢竟喚甚麼作天網麼。(拂一拂曰)孟冬漸寒，大家各自保重。

○結冬上堂(曹源清水禪師)

圓覺伽藍。前樓後閣。平等性智。出息入息。步步不涉衆緣。念念不墮虛凝。至這裡。開浩浩。中靜悄悄。靜悄悄。處明歷歷。諸上座直下領取。石頭明暗。洞山偏正。十二時中左右逢源。直得函蓋合。箭鋒拄。未。然。等頭絲線任君弄。不犯清波意自殊。

○結夏上堂(栴崖奕堂禪師)

摧殘峭峻。妙湛不痕。鎖鑰玄微。靈鑑無私。合體也不空而應。順事也無碍而通。雲無心而雨。谷有神而

空。兔角杖併吞六合。龜毛拂媚和三臺。法元母固必承言。須會宗。本具受用底。消息還。悉委麼。(拂一拂曰)歸雲誰使朝青山。落花自得隨流水。

○結冬上堂(同)

環中虛照。金龍吟枯木之雲。量外靈明。玉兔弄夜輪之魄。機前一路無人踏。肘後神符能驅鬼。虛空抖擻三籟齊鳴。錦樹調陽春暮山和白雪。且道是甚麼消息。(喝一喝曰)誌公不是閑和尚。剪刀常在臥牀頭。

●半夏上堂

○半夏上堂

(永平義雲禪師)身似浮雲。心如清風。眼看無影樹。身聽沒絃琴。半

夏已過，過來底身。而今在什麼處。兄弟但如隨見聞去。則向第十義門作摸樣。作麼生見第一義諦。(良久曰) 翡翠踏翻荷葉雨。鷺鷥衝破竹林煙。

○半夏上堂

(北山道白禪師)

六月今朝初一日。安居九十半成塵。刹那生滅電猶鈍。無奈光陰不待人。是故石頭遠祖云。請謹白參玄。人光陰莫虛度。兒孫個個誰不知恩。作麼生是知恩底志氣。(拂一拂曰) 此時何必嚼冰片。滅却心頭火自涼。

○半夏上堂

(同)

前半夏已過。喫茶未沾唇吻。喫飯未動舌頭。後半夏將來。喫茶須知甘苦。喫飯須辨硬柔。雖然前後有異。

也只家常茶飯。今朝正當半夏將甚。洗煩敲憂。待呼天。亦自由雪。嚼作人間六月秋。(拂一拂曰)

○半夏上堂

(梅崖奕堂禪師)

兩珊々。新煙簇火。殿後階前。草肥水足。滿堂諸禪德。水牯牛如何牧。隨分納些。且非無。雙角四蹄勿錯觸。後半夏雖猶存。前半夏既維谷。這裡論什麼。坤三乾六。(拂一拂曰) 請看衲子轉身途。玉兔金烏為孰速。

●解制上堂

○解制上堂

(永平義雲禪師)

林蟬葉底作清吟。聚散有時嶺上雲。可惜三期殘影少。蠟人屢誠入精魂。時光疾於箭。賊過勿張弓。露命難。

繁風。花落何望朵。莫眼花莫眼花。

○解制上堂

(瑞方面山禪師)

法王解制。虛空啾々。不墮尊貴。風吹蘆洲。直得兄弟東去西去。不妨脚尖自由。到這裡。拈槌之迦葉也。一片月生海。現身之文殊也。幾家人上樓。雖然。恁麼爭奈洞山門裡之瑞草不知秋。正與麼時。且將何充箇。餞別去。聽取一得。擊破大圓覺。烏藤轉處幽。新晴多爽氣。菡萏發。填溝。

○解冬堂堂

(同)

蓋天蓋地。非情識。到。寧容思慮。所以雲門云。舉不願即差互。擬思量何却悟。諸仁者今日解制。東去西

去。平百鳥彈舌耳邊奏微妙之音樂。千花生背。眼處呈冶容之風光。若不願即差互。若願被聲色縛殺。若擬思量何却悟。若不思量復是有氣死人。到這裡。荆棘林中。須有箇通霄活路始得。且道大衆作麼生通霄活路。良久百。峰巒秀異。鶴不停機。靈木迢然。鳳無依倚。

○解冬上堂

(瑞方面山禪師)

匪啻上元人世祝。衲僧解歲亦斯辰。搏風雙翼出籠鶴。步日四蹄斷鎖麟。白雪尙殘琥珀老。紅梅欲笑珊瑚新。一條柱杖手中活。溫雅西東好問津。

○解冬上堂

(同)

這邊晚落四山雪。那裡現成千樹花。雙放雙收好時節。衲僧春色有何涯。留底留丸牛挽不出。去底去入臂搗難遮。雖然恁麼。只如不去不留底。即今作麼生判斷。
(良久曰) 遼天鼻息微通處。日本國中一片霞。

○解夏上堂

(曹源清冰調師)

秋光兩岸。蘆花襯雪。秋水千頃。漁舟載月。衲僧家雖證這般境界。靈機未轉則坐在一色。未如鶴入銀籠。檢點將來猶是兒孫邊事。直饒透過一色。入得尊貴處。成滯著也是金鎖玄關。轉位就功初應有自由分。正與麼時不墮虛凝如何行履。三更月落夜巢寒。瓊林不宿千年鶴。
點戰雷江公案

○解冬上堂

(同)

拈提鼻孔。把住則霜嚴風寒。打失眼睛。放行則霞暖。花笑。祇如山僧拄杖子。不涉把放不預解結。依舊黑。諸仁者若能識得拄杖子。參學事已畢。還薦取麼。
(良久曰) 常憶江南三月裡。鷓鴣啼處百花香。

●完戒上堂

○完戒上堂

(瑞方而山禪師)

金剛寶戒。唯一大事。因緣圓成。豈涉擬議。直得精勵千佛內護之勳功。驚破二乘外道之迷醉。正與麼時。本來也究竟不分。生佛也混同無二。所以道。衆生受佛戒。即入諸佛位。生位同大覺已。真是講佛子。

諸佛子作麼生頂戴奉行去。(良久白)頂門點發戒光明。三堅十橫都吉利。

○完戒上堂

(舉拂云)毘盧師。法身主。黃閣簾垂。寶車不輟。

正與麼時。傍分帝命。別傳鳳詔。假名金剛王寶戒。

違之者斬。不可犯忤。直得。盡百億國土。風行草偃。

水到渠成。到者裡大明燈也。龍潭吹不滅。真寶鏡也。

東平打不碎。摩尼珠也。雪竇擊不碎。一即三伊字點。

三即一魔醯眼。越因果於今古。融修證於身心。既是。

然諸佛子作麼生。得保護不缺犯去。(拂一拂白)真知。

法者懼珍重。

○完戒止堂

(礼山道白禪師)

佛祖從來有正傳。宗門大事大因緣。慈舟蕩漾滄溟上。

慧日昭回霜露前。兜率懺籤餘九八。毘盧戒網布三千。

請看血脉貫通路。打透却壺空處天。

○完戒止堂

(曹源滴水禪師)

佛性戒珠也太奇。非思量處正提持。要知勝果圓成日。

不出羯磨三說時。

○完戒上堂

(無得良悟禪師)

(以拂子打圓相白)

者個白月即顯。非是龍女手中呈。

者個黑月即隱。不是貧兒衣裏裹。所以道千佛流傳但。

此一法。只如道光。非有非無。非色非心。山僧授個甚。

麼。一諸人受個甚麼。其要拂也。無覓火和煙得。山擔泉帶月歸。

○完戒上堂

各開口具眼。梅崖奕堂禪師。中是

三千威儀。姪八萬細行。點檢將來。未免好肉剜瘡。混

沌安眉。縱令脫印子於曹溪。得三昧於馬祖。尙是醉

酒臥街。不見文殊大士云。論一切諸法悉皆毘尼。何正恁

麼時。受授個甚麼。更論甚持犯開遮。還委恁麼。黃良公息。其冬瓜直儻侗。賦瓠子曲。彎々。

○開戒示衆

(歐陽素淵禪師)

汝等諸人欲受戒。先須洗滌塵劫以來過垢。而後一念圓明。應究竟得戒。如海含萬象。同月印千江。潛通祖師玄旨。密合先佛妙心。雖然如是。稱僧分上別有條章。○(案拈拄杖卓一下云)佛祖珍奇重寶。也不妨百雜碎。其或未然。十重四十八輕。不能脫灑自在。

○啓建上堂

(同) 山西

(摩拂子云)十千華上釋迦。於此成正覺。華藏界遮那於此現法身。在會戒子於此登無上寶位。得永得萬劫不失。所以道蒼蘊華雖萎。猶勝一切華。與麼行持無影樹下合同船。其或未然。富山藏在白雲中。

以盈。人得。康樂。日國得。太平。以何為。驗。雨含。一
味。潤。吐。万物。榮。

復舉。宏智。古佛。歲朝。上堂。續韻。曰。擊破。三千。二儀。廓然。

春含。浩劫。古今。在前。蜂舞。不萌。枝上。葉。人歌。無影。樹

頭。船。○同。吐。万物。榮。

乾坤。出入。衲僧。鼻孔。而平隱。日月。抉出。佛祖。眼睛。而清明。

所以。道。天地。與。我。同根。萬物。與。我。一體。億。萬。斯。年。於。今。

自成。百。千。國。土。在。是。處。現。釋。迦。老。子。於。此。說。一。乘。法。

達。磨。大。師。於。此。數。五。葉。春。諸。人。還。看。麼。元。正。啓。祚。萬。物。

咸。新。○同。吐。万物。榮。

○同。吐。万物。榮。

○同。吐。万物。榮。

○同。吐。万物。榮。

○同。吐。万物。榮。

○同。吐。万物。榮。

○同。吐。万物。榮。

○同。吐。万物。榮。

○同。吐。万物。榮。

○同。吐。万物。榮。

○同。吐。万物。榮。

○同。吐。万物。榮。

○同。吐。万物。榮。

萬歲萬歲萬歲。太平有象值春回。四垂陰含翠，二株桂現瑞，吐芳五葉梅。玉曆示時，頒四海。鐵鋸應節舞，三臺奇哉佛運與皇運。直得地天交泰來。

○元旦陞座

(曹源滴水禪師)

賀歲一團如意珠。賓主商畧稱阿呼。陽和映處靈光涌，物色印來點垢無。信手弄時方宛轉，舉心認着却模糊。千祥總自此中出，辨得須還碧眼胡。

○同

(同)

舉拈華微笑話拈曰。且道拈華瞬目破顏微笑是甚作用，若纔落在第二機。還我三冬飯錢來。(堅起拂子曰)露出拈華枝上春。千紅萬紫剎塵心。機前若是辨端的，

微笑何唯金色人。

○立春上堂

(瑞方面山禪師)

玉曆未開佳運臻。家林先祝臘前春。明夕百神祖呈意，簇入千華佛現身。朽舊乾坤閑落索，斬新日月活機輪。衲僧坐斷自然見，笑視李君傲谷神。

○歲朝上堂

(同)

因緣時節。要機轉輪。錦霞玉雪。韶光相親。直得永平家訓彌永。長新豐古曲轉新。正與麼時。祖承一句作麼祝陳。(良久曰)四來龍象箇中人。設位人中睦主賓。更有天真而妙處。梅開五葉一華春。

○冬至上堂

(同)

昨夜群陰向那邊去。今晨一陽從這裡來。石領兮鬧活
 々。老梅笑兮喜吟々。歷代祖唱希有々々。三世佛
 歎善哉々々。好箇時節。衲僧快活。一句如何。祝陳
 (良久曰)脫金針雙鎖備。重及錦縫開。
 同 要辨神神 鏡對正正 (同) 天
 陽來。陰去。自家珍。錦繡一翻背面新。且喜山門添意氣。
 衲僧命脈值佳辰。
 ●退院正堂與長
 王問◎退院陞座 空林武強 師 (無隱道長禪師)
 (問答罷。題曰) 佛世比丘僧。率皆樹下一宿常乞食。
 其有糧舍之設。人為老病者而已。及至教來。震且佛寺繁

興。乃有住院若移轉事。雖曰隨方毘尼。亦其去真風
 之遠矣。今日莫有救此流弊底人麼。 (卓柱杖云)
 隨緣來矣。隨緣去。掛角羶羊不見蹤。

○退院上堂

(瑞方面山禪師)

住山一紀。鬧熱忽々。今日卷席。涼湧襟中。逸遊于
 林泉也。如虎之出鐵圈。自在雲煙也。似鶴之出銀籠。
 松風增瀟洒。桂月轉玲瓏。好箇時節快活不徹。一句
 作麼生陳說。 (良久云) 長養法身誰所祝。酬恩祖道
 我傳東。

○退院上堂

(曹源滴水禪師)

來時不入門。夜半正虛明。去時不出門。日午打三更。

畢竟如何。(拈拄杖曰)兩岸蘆華秋一樣。扁舟舉掉，

水天清。(無得良悟禪師)

(無得良悟禪師)

辭衆上堂。寄跡呼猿洞口扉。千峯影裡坐念機。懶雲此日離巖岫，

一片隨風自在飛。(搜杖便行)

片隨風自在飛。(搜杖便行)

片隨風自在飛。(搜杖便行)

片隨風自在飛。(搜杖便行)

片隨風自在飛。(搜杖便行)

片隨風自在飛。(搜杖便行)

片隨風自在飛。(搜杖便行)

◎第貳編 佛法式之部

●般若轉讀

○轉讀大般若法語

(梅崖奕堂禪師)

總持智劍蕪拈辰。般若靈光照剎塵。波旬倒退三千里

縱轉如來正法輪。

○同

(同)

三輪淨轉領宗綱。六百摩尼等放光。野鬼閑神消跡去，

壽山福海絕詮量。

○應請某家轉讀大般若

(同)

總持智劍禩塵煩。六百摩尼照後昆。桂子蘭孫歸聖德，

九如天保鎮家門。

○大般若經新繙

(栴崖奕堂禪師)

六白金文繙轉辰。吉祥如意日鮮新。邪魔潛跡三千里
擁護綿々二八神。

○大般若香語

(迅雷聽水禪師)

甚深般若德無窮。幽禽轉雀說真空。萬物靜觀皆真相
柳自綠兮花自紅。

○閱大般若經

(默子素淵禪師)

遊意尋香城外春。死生海裡永橫身。無明三毒通般若
縛脫同觀幻化人。

●羅漢供養

○羅漢供養法語

(栴崖奕堂禪師)

迅機掣電。冷眼流星。一隊蝙蝠。万世典型。喚神
通無分。蝶隨花雲隨石。靈感不味。月在天水在瓶。

○羅漢供養法語

(同)

百鍊鎔金體。一輪孤月心。擔荷千斤刺。不與景西沈
感應霜清山襖錦。神通霧噴雨調琴。

○羅漢供養法語

(同)

眼雙日月。氣壓乾坤。擔千斤刺。破群有昏。應供妙
算。印水月痕。薰涼滿殿。親沐慈恩。

○羅漢供養法語

(草山書龍和尚)

不問天台山上懸。靈山一會此巖然。若能懇禱為恭敬
即處現成水月鮮。正與麼時如何。供養恭敬去。

人間六月松風價。誰屬鹽梅與正偏。

○羅漢供養法語（同）

會領如來付囑親。紹隆遺法不嫌塵。塵々刹々分身影

織錦紅楓色轉新。

○羅漢供養法語（栴崖奕堂禪師）

性空心月自嬋娟。應現水無不妙圓。動地驚天他勿怪

看來五百六群蝙蝠。龍華未到靈山後。雜雪層巒采々

鮮。

○羅漢供養法語（同）

万機休罷。慧劍縱橫執中鋒。八解六通寧膠柱

單提獨弄妙揮宗。荷擔佛勅侯三會。擁護人天應衆供

請見天花夜來雨。和風奏唄滿林松。

○羅漢供養法語（同）

六般神變雪飄花。大果功忘風弄筍。挾路相逢無處避

應供消息又何加。

○羅漢供養法語（同）

卷舒放曠且隨緣。不是勦修豈本然。請見半千尊者術

七通八達畫圖鮮。

●施餓鬼會

○孟蘭盆水陸會（栴崖奕堂禪師）

孟蘭盆啓自恣辰。凡聖展眉轉法輪。箇々靈光無盡藏

清風吹動刹塵々。

○歲末水陸會

(同)

電轉星飛用度量，空寬海濬體何藏。磨珠積雪三千界，照徹無遮常寂光。

○孟蘭盆水陸會

(同)

雲自水自通達時，孟蘭盆啓遍坤維。滿架甘露無窮盡，那箇含靈不展眉。

○歲晚施食會

(同)

年究兔窮鳥亦窮，窮而變處變而變。磨圭百雪三千界，万象森羅飽瑞豐。

○施餓鬼會

(同)

六輪女轉去乘車，凡聖龍蛇又奈遮。處々風流觀自在

靈光射透遍河沙。

○施餓鬼會

(同)

踏翻生死業根昏，群品齊投甘露門。性海湛然清似鏡，靈光印破盡乾坤。

○大施餓鬼會

(華山書龍和尚)

打開甘露大施門，招得山川曠野魂。只有齊供飽滿鬼，更無懸器諍飢論。

大地虛空歸這裡，壓來心水心中餐。

○水陸會

(同)

唯心月與隨緣雲，雲去月來與十分。甘露門開供法味，無邊群類飽欣。

○除夜施食會

(同)

先聖做救倒懸式。盡使生靈赴淨域。群類無邊法亦多。施來七夕斛之食。

○無遮會

(迅雷聽水禪師)

大施門開齊冤親。豈論聖者與凡人。胸間廓落都無物。樂土苦輪皆是真。曉窓山月落冰輪。

●入佛供養

○某寺再造落慶入佛供養

(玄樓與龍禪師)

中興輪奐古禪宮。添得人天歸仰隆。此裡獨尊觀自在。出圓通復入圓通。

○地藏太士安座

(草山書龍和尚)

瑠璃殿上住無留。長導群迷五濁洲。縱是北溟變為陸。願王願轂底時休。

茲惟歸崇檀度有緣信人。共抽丹誠鼎新堂宇。於是借山僧腕頭些子力。以作安座之儀。正與麼時要知。

六道能化新麼。灑。

有意氣時添意氣。花鮮春日月清秋。

○某寺入佛供養

(迅雷聽水禪師)

野衲住於此院。有殿堂再建之宿願久矣。遂謀檀信成我願。而今日正得落成。其輪奐結構頗倍舊觀。是不外護信力與禱願力兩蓋相應。爭得有此盛舉哉。因撰此日脩入。

佛之慶讚。伏願檀信寺運。天長地久更打一偈作香種。見義勇為檀信力。改觀輪奐盡圓成。端嚴妙相依然在。永祝山門大吉祥。

○某山入佛供養

(同)

雨漏風穿年又年。時哉今日得完全。唯不青松增壽色。殿堂輪奐瓦光鮮。咦。

伽藍土地護持正法。三世如來毫光射天。

○某寺再建觀音閣偈以慶讚

(曹源滴水禪師)

金地重營薩埵宮。諸天歡喜下蒼空。四曼花落寶階雨。五色雲飛畫棟風。水月交光開掌上。山川改觀豁眸中。孤筇雖未攀巖經。何隔靈犀一點通。

○慶讚補陀殿落成

(瑞方面山禪師)

寶閣鼎新開土室。况還迦葉歛衣岑。雨過閑庭掃塵熱。風答長松奏梵音。軒掛清涼空月朗。門湛悲願海洋深。造脩同是神通力。幾益人天恭敬心。

○某寺築鎮守壇

(同)

維神所宅石為宮。左右配鄰中位空。空處鏡明存妙應。祭時絜潔感靈通。異苗繁茂無名艸。佳氣鬱蒼不老松。好是吉祥殊勝地。安人護法鎮宗風。

附錄

●歎佛會式

○值某尊宿忌辰修款佛會。(草山書龍和尚)
各自圓明，々鏡臺。散花洒水，却生埃。埃塵何隔心王，月不度盈虛自去來。

山門本月來日。恭相遇。(稱呼)何回之諱景。預於此晚。堂頭老漢勤修款佛勝會。以見酌報摩頂之慈恩。於此使山野拈兜樓一炷。正與麼時。(稱呼)與三世諸佛携手。降臨道場底。一句又且如何。休賦招魂宋玉友。杜鵑鳴月梵王臺。

●懺摩法會

○為某居士修懺摩法。(正山道白禪師)
某氏值某居士三十三回忌。親就于山門供養三寶。勤

脩圓通懺摩法及甘露施食法。并書寫蓮經一部。所有功德。資助覺路。山僧感喜為說偈曰。
德以傳榮於子孫。後孝以報恩於祖禰。先後相感。孝德俱全。供養雲中。隨色摩尼兩物。懺悔堂上。無量賢聖臨筵。薦拔圓成處。一句如何宜。
筆端染出蓮華髓。甘露洒來露大千。

○為某氏脩懺摩法。(同)

懺摩功德思無邪。直下怨親同一家。待得眼中浮翳盡。請看空裡不生華。

昨夜門前石敢當。併吞萬像滿飢腸。今朝吐却一魂去，散作立春大吉祥。正與麼時。四海靜謐。黎民安康。且道將箇什麼。祝延。聖壽無疆。(舉香云)南山觀雪松難老。東閣綻風梅自香。

○同

(同)

太平氣象不能藏。楊柳垂金海洩香。鞭起土牛耕海底。栽培鐵樹發春光。正與麼時。今上皇帝壽年多少。(良久云)富士山高東海上。白雲何若鴨川長。

○冬至祝聖

(同)

帝澤汪洋無際涯。深山幽谷沐恩波。被牛賣買隨豐儉。万里風烟賀一家。

○同

(同)

佳節雖逢在月頭。甘貧無意課田疇。獨挹雲光浮動色。三呼萬歷葵兜樓。

○元旦祝聖

(善救普濟禪師)

香氣普薰千世界。靈根深固劫空前。三呼聲罷焚燒了。聖壽無疆億万年。

○元旦祝聖

(同)

祝著分明那一瓣。拈來挿向玉爐中。馨香薰徹威音劫。穿却君王鼻孔通。

○元旦祝聖

(同)

皮膚脫盡露真實。一片拈來香氣通。試向寶爐親挿著。

淡煙滿室幾薰風。

○歲旦祝聖

(祀山道白禪師)

萬歲萬歲萬々歲。

太平有象值春回。

垂陰含翠二株桂

現瑞吐芳五葉梅。

玉曆示時頒四海。

鐵錫應節舞三臺。

奇哉佛運與皇運。

直得地天交泰來。

○歲旦祝聖

(同)

八萬法門本現成。

三千日月自分明。

山々等唱三呼祝

併作金鷄新曉聲。

○歲旦祝聖

(旃崖奕堂禪師)

宇宙無雙日。閻浮一至尊。

金輪統四海。

天德應乾坤。

○元旦祝聖

(同)

劫石三消壽未疆。

滄溟万頃德難量。

○立春祝聖

(同)

陶斤八九此開陽。

四海朝宗仰覺皇。

萬々堯風吹不盡。

三呼萬歲祝流芳。

●佛忌拈香

○佛誕生

(千丈實嚴禪師)

九龍灌浴紫金光。

脚踏蓮華步四方。

打殺將來重餒狗。

還他跛躄老紹陽。

雖然與麼。打殺餒與狗子。

自是

古人底事。即今普請東西兩堂。

摘花葺屋。

和藥澆湯。

若道報恩。皮下無血。

若道背恩。雪上加霜。

子細點

檢。如何不犯鋒鋦。縱傾四大海水。不能洗他身上。一毫芒。杓柄或到三十三天。與他無見頂相爭較短長。且道一場功德何以校量。(良久云)

水晶簾動微風起。滿架薔薇一院香。

○同 (同)

周行七步。無腳踏箇什麼。天上天下。無手指箇什麼。

唯我獨尊。無口說箇什麼。見來總是。自呈伎倆了也。

且道未出母胎以前。說法度生已異底事。將何為驗。

(舉香云)山桃落盡春回去。猶有子規枝上啼。

○同 (同)

未離天宮。度人已終。齊父等翁。轉位忘功。

且道如何拈杓柄。灌浴個玉童。(良久云)

四面雪消山骨露。光明燦破紫金躬。

○全 (已山道白禪師)

天地同根唯一指。周行七步有來由。雲門弄得雖然活。爭似藥山無語休。古人已恁麼。山僧又如何。

葫蘆依樣無多子。香薰鼻孔水澆頭。

○全 (同)

歲々降生八字佛。年々薰沐一盆湯。倒傾袖裏供茶盞。遙拔背振為壽香。且道此壽香。將甚麼為證。

非煙非火非枯木。托出牡丹雨後芳。

○佛成道 (同)

奇哉笠土大金仙。獨屣萬乘遁雪山。頑石六年磨斧急，
明星五夜把針穿。鴛鴦繡出裁為被。弟子傳來裂換錢。
安得重々佳手補。群生徧覆見完全。

此是耶當囚口款。報恩有句若何宣。(良久云)
一爐沉水加三拜。薰破遼天鼻半邊。

○佛成道

(記山道白禪師)

端坐六年。

橫引龜毛長數尺。

明星一見。

倒揮兔角重三斤。

大聖示慳餘後手。

兒孫受用各隨分。

試拈膚寸向爐上。

變作優曇偏界雲。

○佛成道

(同)

七晝夜中一片心。心々相續用功深。又逢古佛出山日。
同起修供提樹陰。(插香云)

定香嚴淨微塵國。

寸土分明是寸金。

○佛成道

(千丈實嚴禪師)

三生六十劫波功。一見明星伎已窮。正覺山前一條路。
相呼相喚入荒叢。

且道即今如何為他雪屈。(良久曰) 曠

將謂松杉有長短。

望來畢竟地汚隆。

○全

曉天獻粥

(同)

澆季人情走苟安。曉雞未叶各離單。不思雪嶺六年操。
漫攢眉頭號苦寒。

○全 午時拈香

(千丈實巖禪師)

聚蠅糝絕外頭清。 繫蟻絲無裏面明。 正覺山前一條路，
誰人有脚不能行。

可惜許。尋常一樣天星斗。換却娘生活眼睛。

○佛成道

(無得良悟禪師)

寒徹骨頭心已灰。 全身凍殺雪生涯。 星光入眼濁髓碎，
大地山河叫善哉。

○佛成道

(同)

饑腸六百喫酸辛。 薦膝鵲巢忘却身。 昨夜一番寒徹骨，
虛空開口笑閻人。

○佛成道

(同)

六年曠睡雪山隈。 徹骨曉寒夢已回。 一見明星眼睛瞎，
斗光依舊落崇臺。

○佛成道

(無隱道費禪師)

飢不死兮寒不死。 眼睛燥灼髮鬢鬆。 夜來一色千巖雪，
多少禪流錯認蹤。

○佛成道

(同)

雲衣撩亂下層巒。 仙骨猶來冰雪寒。 仍嘆奇哉何曲調，
人間天上和皆難。

○佛涅槃

(記山道白禪師)

哀歎紫磨金色身。 天冠寺裡倚蛇旬。 毘嵐一掃浮雲影，
依舊青山滿目新。

○佛涅槃

(已山道白禪師)

四生慈父佛陀耶。今日見來春夢婆。鶴樹終譚雖寐語。悲風歲々入娑羅。

○佛涅槃

(同)

娑羅林裏四拈四榮。跋提河畔全死全生。通身無影象。爲物示虧盈。

天際日上月下。檻前氣晴風輕。

色見聲求非弟子。艸鞵背却涅槃城。

要免恁麼咎麼。(良久云)

爐有香兮盂有飯。片誠未忘獻芹情。

○同

(千丈實巖禪師)

四十九年三百會。五千餘卷多狼狽。臨行漫道一辭無。

掩耳偷鈴還捏怪。捏怪々々。貴賣賤買。

借問人天酬價誰。大龜來拜金棺外。

○同

(同)

三大僧祇成二巖。看來非聖又非凡。今朝其奈津梁疲。

愁殺渡頭那一帆。

○同

(同)

涅槃後有大人相。柳巷花街不問方。破草鞋將折筇杖。都來難掩紫金光。

●祖忌拈香

○少林忌

(已山道白禪師)

嫩桂三株。

皮膚脫落存真實。

空華五葉。

芬芳馥郁撲鼻頭。

看々和光如動。

住々恩大難酬。

留衣覆却扶桑國。

餘履踏翻赤縣州。

有意氣時添意氣。

不風流處也風流。

○少林忌

(已山道白禪師)

廓然無聖。

鐵牛無骨。

對面不識。

金鴨有香。

無骨金體現。

有香氣煙揚。

天晴鶴唳九皐底。

驚破老胡夢一場。

此香是戒定慧之所和合。非心意識之所度量。

千林一氣含直指氣。馥郁吐單傳芳。

年々一番信手拈出。奉為震且初祖大師酬傳燈餘

光只願世界三千箇々眼睛活。

功德八百人々鼻孔長。

○少林忌

(千丈實巖禪師)

舌挾風雷。

雄辯破六宗之異。

眼空凡聖。

妙悟會百家之同。

觀震丹根機傳衣鉢。

值葱嶺使臣現神通。

凜々真儀。

千年石虎醉肉。

振々兒孫。

四海木馬嘶風。

直得珊瑚樹懸明日。瑠璃瓶餉虛空。

且道出於汝者反於汝。即今如何應虛空供。(舉香云)

雁字斜橫霜外月。影寒熊耳一叢夕。

○少林忌(千丈實嚴禪師)

破六宗之邪也。蒼鷹橫秋。

安二祖之心也。香象截流。

一華五葉。無邊春色不礙不留。

三草二木。不測恩澤無比無周。 咳。

直指單傳多冤讐。畫成蛇足先龍頭。

五千餘卷葛藤外。枝蔓橫生恨未休。

○少林忌(同)

千林秋染黃金國。一夜冰凝白玉京。誰道空棺留隻履。

鬪體眉底眼睛明。 咳。

兒孫滿地還堪笑。 多是附籬摸壁行。

○同(同)

鳳凰臺上月明中。倒把玉簫吹曉風。奏歇知音杳難見。

仙禽猶夢碧梧桐。葉落枝枯後。二株嫩桂秀無窮。

雖秀無窮到底未免。 引人落荒叢。

○達磨忌(善救普濟禪師)

隻履西歸祖意深。單傳直指古猶今。更無一句報恩分。

稽首家內觀自在。恭藝却此一瓣香。驚破吾藝祖達磨。

圓覺大師。九年面壁問夢。穿了盡大地人鼻孔。全要。

到共命同心。未審諸禪德還委悉麼。

幻人身識。物我一純。

○斷臂

(千丈實巖禪師)

赤縣神州大乘機。鯤魚生翼北溟飛。翔翔頡頏皆隨分。

莫咲籬邊燕雀微。嘆。

腥鮮一臂重多少。換得西來屈眴衣。

○同

(同)

兒孫遭帶累。箇々受餘殃。叵耐具雙臂。附籬摸壁行。

附籬摸壁消息分明。嘆。

井底蝦蟆生羽翼。梁間燕雀咲鯤鯨。

兜樓一炷年年奠。囉得祖師活眼睛。

○同

(同)

老胡十萬渡蒼波。頭上千鈞重鐵枷。堪咲真丹大乘器。

被他帶累不如何。且道不肖兒孫贊他耶謗他耶。

(良久云) 荆棘當門須翦却。莫教來者等閑遮。

○斷臂

(北山道白禪師)

埋腰鵠立嵩山雪。請看情切寶刀臂落凌前列。紅爛通

身徧界染成血。大丈夫兒端的別。覓心不得好時節。

丁寧損德老胡舌。將一斛珠換却半斤鐵。

○斷臂

(同)

剗瘡好肉始安心。少室山前遭陸沉。雪窖無人扶起者。

全身放倒去來今。

○永平忌

(同)

(以香打圓相云) 身心脫落。露出虛空骨髓。

偏正回互。豁開大地眼睛。

高祖家風今古盛。明中有暗。暗中明。

香為使者雖無舌。好駕雲煙通信情。

○永平忌 (同)

老梅樹老梅樹。爐薰不借他家。

夜半正明。照心疎影橫斜月。

天曉不露。撲鼻暗香浮動華。

和尚來也。空裡金蛇。

○永平忌 (同)

自從祖道昔傳東。秋晚寥々思變通。洞水逢科知幾歲。

何時盈滿見朝宗。

○永平忌 (同)

法輪東轉永平年。轉到永平有正傳。宗祖完全推轂手。後人合轍一同前。

○永平忌 (千丈實巖禪師)

天童神秀接承陽。山色何時不吉祥。日月爭光正法眼。

半千年後(此時祖師滅後)射扶桑。射扶桑底將何為。驗。

(拂一拂云) 曠。

溪聲樹影佛殿僧堂。總為詩人舉揚了也。

○同 (同)

溪聲樹影紅蓮舌。佛殿僧堂赤肉團。更有菊花邀九日。

紫金光散滿庭寒。

嘆。

眼橫鼻直休描畫。

星在杯兮不在盤。

○同

(同)

年々八月二十有八。潤嶺溪毛盛滿瓦鉢。眞慈降臨不
隔毫髮。青山帶雲綠水浸月。認是爲眞。眞爲甚是。
嘆。籬邊秋色近重陽。一朶黃花和露發。

○瑩山忌

(善救善濟禪師)

馨香徹威音。價直重河沙。收拾歸掌握。不是瞻蔔花。
伏值。太祖德圓明國師總持開山瑩山大和尚禪師
入涅槃之辰。此一片香。葵向寶爐。奉伸供養以酬
覆蔭之恩。眞慈共惟。

○家風清白單傳。

異苗繁茂萌芽。

把往則氣吞佛祖。

放行則眼定龍蛇。

四處名藍。

付與四哲。

五位秘訣。

超出五家。

夜半木童敲月戶。

天明玉鳳笑銜花。

此時消息有誰論量去。可謂風前野馬陰裏過。

雖然與麼。正當中秋報恩。一句作麼生。

(良久云)

斫盡月中桂。

清光應更多。

○瑩山忌

(梅崖奕堂禪師)

黑漆崑崙夜裡奔。等閑打閣總持門。秋清諸嶽山頭月
萬古玲瓏破夢昏。共惟。(稱呼)

帝皇師範。藝祖曾孫。

垂髫未，雖有大人作。草鞋已破，能定乾坤。

四處道場。境致標榜森然，崧。

九州叢席。規矩禮樂儼爾存。

實因根元深盤屈。全得枝葉長滋繁。

正當示寂之忌辰。應供有伴一機。如何評論。

松臨幽谷橫舒朶。蘭在斷崖倒放馨。

○瑩山忌

(同)

巖桂吐香秋色優。祖師心印又焉瘦。頂門眼朗涼霄月

破夜慈光卒未休。

○瑩山忌

(同)

法身常住自儼然。蒼穹翠凝秋滿天。靈鑑猶新頂門眼

正當三五月嬋娟。

○永平忌

(草山書龍禪師)

曾從心印契長翁。空手還鄉何詡切。孰謂永平有妙訣

眼橫鼻直古合同。

本月當日恭值。宗祖示寂之辰。手采澗溪沼沚之

毛聊供真前。以奉酬祖翁大恩海之一滴。謹惟真慈

不墮佛位。不駐魔坑。

夙逢阿母之喪。了幻避世。

親脫珍御之服。薙髮染衣。

宜似悉達出王宮。豈異多羅辨真玉。

名聲布漢土。撲鼻春蘭發芳。

德化播扶桑。應感秋月印影。

水流出竹邊綠。風過來花裡香。

嗚呼。家風延長覆子孫。澗水逆流漲湖海。

正與麼時。不待有伴之後。不吝來儀底。一着如何宣揚。

閑亭坐愛桃林晚。無限秋光滿地濃。

○永平忌 (同)

身心脫落。落葉秋光。

脫落身心。開花春陽。

開花落葉舉途轍。穩坐自家手不忙。

如止者舉吾。高祖見參天童長翁要語。為蛇畫足。

底。即今應供端的如何宣揚。

現成公案非難事。榮苦冰寒不覆藏。

●開山年忌

○某開山忌 (善教普濟禪師)

再來末世老婆心。寶殿無人秋夜深。蘆雪混融明歷女

水天相合月沉夕。共惟 (稱呼) 真慈。

道風扇祖域。聲價重叢林。

與乾坤齊其德祐。與日月同其照臨。

今時作用無間隔。空玉那畔絕知音。

沒蹤跡處莫藏身。消息分明難推尋。

古路坦然。高彈新豐曲。

田地穩密。親和雪子吟。

清風月下不守株。無私妙用到如今。

機密々兮。錦校暗吐緒。

道綿々兮。玉線斜聯針。

雖然恁麼。即今報恩那一句。如何體悉。(舉香云)

旃檀片々は是旃檀。黃金器々は是黃金。

○某開山大和尚忌。(千丈實巖禪師)

真儀凜々尙橫秋。白鳥沒烟蘆荻洲。一色磨瑩空索々

滿盤托出水悠悠。且道應供消息。在那箇頭。

夜々半輪明月冷。珊瑚枝上走泥牛。

○同。(同)

螟蛉見祝續箕裘。莫怪瓣香穿鼻頭。雖愧巴陵三轉供

毫光教我結冤讐。且道開山某大和尚。降臨應

供底。何處認蹤由。(舉香云)

泥牛觸破澄潭月。浪冷珊瑚枝上秋。(千丈實巖禪師)

○某開山和尚忌。四面雪消山骨清。萬溪冰碎作琴聲。臍輪拍手胡盧咲

露柱燈籠耳亦傾。且道開山某和尚。應供也否。(良久云)

縮却紅蓮廣長舌。鬪體放出淨光明。

○某開山和尚忌。(同)

處々眞分處々眞。請看全露法王身。青山綠水三千界

處々眞分處々眞。請看全露法王身。青山綠水三千界

點綴烟霞一片春
正與麼時。山若道開山和尚來應供。拈目見個第二月。若道不來應供。相逢却非此中人。且道如何奉重。便得道合君臣。
(良久云)

夜來石女機頭錦。暗裏縱橫文彩新。

○同山(瑞方面山禪師)

威音劫外一條路。聲色堆中三昧遊。超玄越妙熾然說。大地虛空是舌頭。根塵之互用。依正之同投。

新卷葉通蘭麝之妙氣。雙垂瓜聞陶匏之宗飮。

色也無寄。空也不收。全界脫落。渾身自由。

此是開山和尚。一化無盡。二際平等。應此供筵。

蔭兒孫底消息。即今且作麼生酬恩去。
(掃香云)

燒却香雲蓋菩薩。蘇迷百億惹煙幽。

○同(同)

鬱鬱林樾祖師心。匝地清風亘古今。今日炎天似煎處

蔭涼後葉轉森々。正與麼時。

添得香雲爐上結。藥人徧界雨霖霖。

●世代年回

○某尊宿忌
(千丈實巖禪師)

摧殘野外一莖茅。穿却鬚髯放白毫。靈光豈有幽明隔。大寂定中傾蓋交。嘆。

統孤漏到情忘醜。莫是冤讐狹路遭。

○某尊宿忌

(其徒設供) (同)

匍匐助哀，養子緣。幽明目擊在機前。却來一路青山外，
蘆荻蕭々水接天。

堪悲堪咲，螟蛉祝。

結作旃檀一炷烟。

○某尊宿年忌

(千丈實巖禪師)

千山葉落，雨穆々。明暗雙々雁過南。磨洗金剛脊梁骨，
也無塔樣墮湘潭。不墮湘潭在那裏。

松頂雲寒，鶴難睡。薜蘿空鎖舊苔龕。

○某尊宿年忌

(同)

張耳陳餘始，刎頸。守端法秀後，寒盟。海門八月波濤勢，
難比人間翻覆情。

雖然與麼，即今依義設供。

依義應供，底將甚舉似。

(良久云) 秋風無意吹巖桂。

清夜繽紛落日明。

○某尊宿忌

(千丈實巖禪師)

昨日茶毘盛禮終。

因事茶毘延，遽卒哭故。

今朝卒哭設齊供。不嫌

春野蘋蘩薄。

請撥眉毛起定中。

(良久云)

端的起來

降臨將為有伴將為無伴。

(插香云)

無影樹林春欲盡。

滿庭愁殺落花風。

○同

(同)

烟雨濛濛，春色闌。滿庭花木已凋殘。問名雖謝未曾謝，
撞磕從前赤肉團。嘆。真慈有伴如何相看。(舉香云)

一把抑絲收不得。

和風搭在玉欄干。

○同 (大群) (同)

自從曠野斂餘灰，閃電光陰已三回。雨後春風那消息，落花吹滿古岩臺。

○某二尊宿忌 (千丈實巖禪師)

菊花泣露黃金骨，楓葉染霜赤肉團。兩箇阿師互為伴，一棚傀儡與人看。且道兩箇阿師。即今降臨將何為。臉。嘆。臍輪拍手胡盧咲。槌子踔跳跨剎竿。

○某尊宿忌 (同)

(拈香云)捲簾雖失青山色，折柳還紆白練絲。忽有一團香氣發，鼻頭穿却答來儀。來儀何處見得。孰若正中來位奇。(良久云)寒鴉一雙平因雪。

○先師某和尚忌 (千丈實巖禪師)

(以拂子指真云)咄箇老和尚。那邊突出來。回途收手脚。餘烈挾風雷。猶覺寒毛卓。不知悲淚催。年年香未燼。早晚與心灰。

只如即今有伴應供。現箇什麼風裁。(良久云)

前溪橋畔臘天梅。昨夜枝々鬪雪開。

○先師某和尚忌 (同)

浪迹因循人事牽。無由歸去掃頽顛。每採溪毛修禪祭，淚痕濺袂寫真前。嘆。

愁殺楓林新染色。當初慢我止啼錢。

○某尊宿忌 (初七日) (千丈實巖禪師)

毘嵐一陣只麼臻。回耐雙林搖落晨。花藥欄邊無寸土。縱橫呈露法王身。

上來特為當寺某大和尚來與初七忌辰之齋。因旌一時慶讚之悃。且道真慈應供底。將個什麼指陳去。
(良久云)金線夜來橫。暗裏針鋒不犯自。彬々。

○同

(五七日)

(同)

五七光陰附逝州。齋香再弔率堵前。藏身露影何宗旨。寂定門開有正偏。
(良久云)

偏正功忘誰應供。

烏鷄立雪月明邊。

○同

(一百)

(同)

一百光陰似建瓴。三趨塔下扣泉扃。燒痕草死茶毘地。

無限春風吹未青。

此是觸目生感。

思老成之典刑。

渾家卒哭。

奉常在之巾瓶底。

只如一塲修夢效服肱於幽冥。

百味珍膳使蘋蘩發芳馨。

且道有何功德可資覺靈。
(良久云)

壁上寒梭鱗甲動。

忽乘風雨引雷霆。

○同

(一周年)

(同)

一徑青松寒色高。朔風凜冽鼓波濤。夜來八万四千偈。傾盡屎腸放玉毫。
(稱呼)

移化雖得周歲。

應供猶慰同袍。

紅蓮舌說未息。赤肉團暖未燥。底。

且道即今一鋪齋筵。哭即是笑即是。(良久云)

雪霽新粧遠山黛。鈿華比得勝鵝毛。

○某尊宿忌 (千丈實巖禪師)

海津城畔 (海津二字應其人可改作) 搖落天。秋色淒々山帶煙。清

淨法身難蓋覆。和盤托出舊風顛。伏以 (稱呼)

嘗賤化緣。已得百年。即今定起。來儀儼然。吾儕

應請。慶讚齋筵。如何覷破他鼻半邊去。(良久曰)

何用慙慙重說偈。恐同劔去刻船舷。

○某禪師忌 (已山道白禪師)

存亡相隔五移星。追憶依々見典刑。法達摩耶搖地軸。

戒波羅密剩天餅。玲瓏含暖非鷄珀。瓊瑤吐光是帝青
散作梅花二月雪。觸雙垂爪自然馨。

○某尊宿忌 (同)

和合五分淨法身。為拈一瓣黑羶絨。氤氳穿却雙垂爪
打嚏那伽定裡人。

○本師某知尚忌 (七七日) (同)

始終七々感時光。前後三々非數量。真淨界中刹那際
閻浮早是幾番香。番々四十九番片。大衍分明虛一芳。
尺簡一芳囊未出。出兼不出又誰當。豈墮四陰生等有。
獨還和尚鼻根長。

○受業某和尚忌 (同)

百億須彌百雜碎。森羅万象吐奇芬。貧兒猶有舊時債。未免就爐楊片雲。

○某尊宿忌

(善教普濟禪師)

千聖不携得。一氣不萌前。即今拈出底。蒸徹是龍涎。恭養此片木。奉為供養當山何世某大尚和。以酬法乳。慈恩。伏惟。真照廓徹。赴感應緣。

湛存群象外。

卓立萬機先。

扇宗風於末世。

揚慧日於壺天。

作家可辨冰中鹽。

好手須知火裡蓮。

雖然與麼。更有別調報恩。一腔如何體得。

(良久云)

高山流水曲恰易奏。合虛空夜明符全難傳。

○受業某老和尚忌

(同)

新豐調古少知音。三十三周忽到今。誰續斷絃彈得妙。夜明簾外月沉夕。恭焚箇木槩。奉供養當山何世某大和尚禪師。以酬受業之恩。伏惟真慈。

智通普應。

古今道同。

田地穩密消息。

傳家清白宗風。

道虛而妙明。

神靜而混融。

一步密移立路轉。

通身放下劫壺空。

翡翠簾垂絲綸未降。

紫羅帳合視聽難通。

靈女不覆藏。

卓々沒稜縫。

玲瓏八面。

八面玲瓏。

雖然與麼。山僧今日因齋贊楊。未免傍人笑。敗闕是重々。且道諸人還看老師遊戲三昧處麼。(舉香云)

龍栖潭水。風宿梧桐。

○某世代五宿尊征忌

(旃婁奕堂禪師)

出草入草。寧住秦湘。門庭路滑。誰犯鋒鋦。

山門先董五位禪師。示寂雖異日。征月在秋際。因

卜此日迎請真儀。營備鐵釘飯木札羹以伸供養。端

的雷同降臨消息如何宣揚。(拈香云)

五湖秋色千般趣。彷彿應供畫錦粧。

○某世代五尊宿征忌(同)

隻手拈來應指端。端倪和月與人看。東籬露滴斯時節

信手汲充龍鳳團。五湖秋冷半輪明。玉浪金蛇縱變更

主伴雷同何辨別。聽否過雁一聲々。

○某世代六尊宿征忌獻粥(同)

曉風纔一陣。六耳不同謀。殘月歸家路。金蛇走急流

○同午時(同)

曾踏金龍弄彩霞。祖庭魔界打矜夸。擬窺有伴應供信

馥郁梅花咲吐牙。

○某世代五尊宿征忌獻粥(同)

喚作如々已刻舟。正偏五位奈何酬。薰涼風颯黃梅晚

為汲龍團一盞漚。

○同午時(同)

默耀堂々。現成密々。變格通途。蘭菊爭秘。

共目。當山先董五位大和尚。征忌應供。消息如何辨。

其名實。(拈香云)

屋頭殘月淡磨珠。門外清流閑調瑟。

○兩尊宿忌

(草山書龍禪師)

南津北海兩漁翁。手段胡爲讓任公。勿道今猶休善巧。

鱗龍無限出羅籠。噴。

凍々真儀難廻避。一枝梅葢道香濃。

○兩宿忌

(同)

生後遂隨違兩師。道存奚爲抱憂思。袈裟大地花開日。

眼目彌天上時。恭惟胥丁(稱呼)諱景。上來貌

真底消息。即今揚眉泥洹城中。却來應供端的如何。

動唇皮。(拂一拂云)

中庭忽有桂花開。鼻孔穿來絕思惟。

●亡僧年回

○某誰那和尚忌

(記山道白禪師)

擲鎚徑去瞞諸聖。歸寂何曾重己靈。無相汝銀山鐵壁。

不聞々霹靂雷霆。人言洞裏桃花落。我見屋頭山色青。

燒爛枯柴薰鼻孔。泉臺夢熟也應醒。

○長老卒哭忌

(同)

生也不生百日前。滅耶非滅中春後。此時調御現泥洹。

又是止啼黃葉手。法身舍利本無相。拈作片香鑿點垢。

三世諸佛口如檀。狸奴白牯却知有。

○兩和尚忌

(栴婁奕堂禪師)

兩箇泥牛入海游。爾來消息覓無由。唯餘犀水波心月

玉轉珠回率未休。

○某小子一周忌

(同)

身心脫去已周年。虛認閑名尚刻臆。將謂那伽消息斷

木凋山骨氣衝天。

○某上座忌

(四七日) (草山書龍和尚)

拈來火後一莖茅。光普南邨與北邨。知心何隔幽明境

休道曾無傾蓋交。

正與麼時。上座已去經四七之

光陰。即今却來應供之端的。如何指點則是。

梅雨新晴山舍曉。一聲杜宇過林梢。

●亡靈年回

○某大姉忌

(寶峯良秀禪師)

淑氣依依翠靄催。祖林郁々柴煙霽。燕吟鶯語蕭々雨

特地令人傷痛哀。

伏惟 (稱呼)

四大孰爲主宰。一靈不借胞胎。

直到絕中邊。白雲向寒巖而斷。

本源無風波。明月隨夜船而來。

清白家法。六窓帶於雪。

廓淨門庭。四衢莫織埃。

正恁麼時 (稱呼) 無陰陽地解運步。不萌枝上春放回。

非男非女夢幻三昧。現成活計也笑哈々。
雖然與塵類不齊混知處底。作麼生委悉去。(良久云)
易分雪裡粉。難辨墨中煤。

○某居士五七日之忌 (同)

現成公案大難事。嬾緣四圍夏日永。一爐沉水生午煙。
香氣馥郁滿室靜。某氏今月今日迎某居士五七日之
忌辰。欲資助彼雲裏者。伏惟

一氣不言初雙無像。二義發光陰陽運行。
有一物先天地之先。後天地之後。

歸體前則。謂是塵劫之大事。
應衆緣則。為能万像之主宰。

仰彌高鑽彌堅。涅不縉磨不磷。

悟之者。超佛越祖。
逆之者。出生入死。

諸佛謂此幻人。祖師言此無位。
故三世諸佛幻。六趣衆生幻。山河大地幻。地獄天
堂幻。無不幻人之三昧。教中云幻身滅故幻心滅。
幻心滅故幻塵滅。幻塵滅故幻滅々。幻滅々故非幻。
不滅。 (稱呼) 既隨幻滅。且非幻不滅。一句作麼生
委悉去。 (挿香云)

星前人居千峯室。無因佛祖識得伊。
○某大姉忌 (同)

遼天鼻孔竟難藏。悉有人々知見香。偏正位中收不得
是誰方外作論量。某氏

○淨財施捨三寶。法筵容納四衆。

本有田地。不受一塵。

聖人空洞。自懷萬物。

維摩大士借座燈王撮飯香積。約衲僧門下未曾爲奇。

更有威音那畔一路。此是曠劫以前大事。

三賢測度膽戰。十聖仰望魂消。

諸佛傳語底。祖師把門漢。

故曰密々難舉。細々莫動。

影轉體前。木人喚三界夢。

光分頂後。石女登六門機。

清白傳家月似秋。回途枯木華不春。

純真作用金出鑛。玲瓏機智玉走盤。

治生產業皆與實相不相違背。恁麼提唱(稱呼)行履

底。且道安家樂業一句又如何。(良久云)

物外獨騎千里象。万年松下打金鐘。

○某大姉小祥忌(善救普濟禪師)

四序因循駒過隙。一回忽爾閱春秋。滿天霜雪寒徹骨。

無限行人盡帶愁。伏惟(稱呼)

一靈心性。万古微猷。

轉處在機先。敢不可停留。

丹青吟木龍。碧淵吼石牛。

有意氣時添意氣。不風流處是風流。

今辰當(稱呼)小祥忌。葵箇片香。為復追善(善)。為資福

諸人還委悉麼。(良久云)

暗裡抽橫骨。明中坐舌頭。

○某居士十七回諱 (同)

十七回消息。春來忽到今。花開無影樹。松奏沒絃琴

(稱呼)劫空田地。更絕知音。

歷々不藏。錦梭吐緒。

綿々不露。玉錦聯針。

月落珊瑚海。春回薺蔔林。

一心圓明。圓明一心。

旃檀片々是旃檀。黃金器々是黃金。

以此深心奉塵刹。以此深心豁胸襟。

山頂不為高。海底不為深。

一靈不昧。不昧照臨。

正恁麼時。山僧特拈香。為(稱呼)諱辰。贊揚佛事。

豈虛設(稱呼)諸人請高看眼。(舉香云)

虎依山嘯。龍得水吟。

○某居士三十三回忌 (同)

蹉跎日月駒過隙。三十三回方此辰。生死去來沒蹤跡

烏啼花咲一般春。(稱呼)

虛玄大道。全絕疎親。

截斷歧路。把定要津。

把住則不在一切處。

放行則周遍十方身。

同中有異。劫外遊神。

異中有同。環中契真。

諸塵三昧起。三昧攝一塵。

一塵入正愛。百花不藉春。

雖然與麼。山僧今日。值(稱呼)遠忌。一香拈來資助。

冥福。短偈長語因齋贊揚。諸禪德不離當處還。體得麼

(舉香云)心慙衆而說法。一聞香悉能知。

○某大禪尼忌山道白禪師

有無手入取無柄斧。入無影林誅無明樹。拆作無相心

字香。拈挿無煙火爐上。度供養蒲團數量三世諸佛。柱杖數量一切法藏。拳

頭數量十方僧伽。所有功德回以為(稱呼)且道

此香作甚麼氣息。(良久云)

分明一種世無儔。天上人間價未酬。

獨有魂靈薰室主。暗中穿却鼻尖頭。

○某大姊初七忌(同)

去來七日。間不容寸絲。

如幻三昧。直須投全機。

生前死後。念茲在茲。

秋風八月月中桂。吹送清香露一枝。

大姊來也。轉瞬之際。地角天涯。

○某信女忌 (同)

百鍊精金鑄信根。臨行打就鐵崑崙。三禪妙樂離三苦，
一路涅槃歸一門。簷下梅橫窻有影。潭心月落水無痕。
非唯月色寫顏彩。贏得梅花解返魄。

○某居士忌 (百箇日) (同)

世味終然如嚼蠟。淨緣湛寂耐棲神。不移寸步蓮華國
端的轉身即法身。正與麼時。雨後青山滿目新。

○某尼師忌 (三年忌) (同)

三年以前不生，幻生。三年以來不死，幻死。不死不生即
生即死。如空含空，似水歸水。風度太虛，月印清泚。面
目現成，祗這是。

○某三靈諱 (同)

佛海法海衆生海衆生朝宗海。戒香定香慧香解脫香解
脫知見香。海々同源一性海。香々同氣一心香。性海
汪洋含無量寶。心香氤氳吐不盡芳。飲性海者洗雜毒，
聞心香者發靈光。
上來因齋慶讚。正好聽偈參詳。
一盞茶中傾性海。五分爐上點心香。

莊嚴報地唯如是。寸步不移坐道場。

○某信女忌

(同)

吁此妙香。郁乎吐芳。如雲如蓋。徧滿十方。
壓蘭壓麝。章明百祥。山谷嗅著。結窠晦堂。
香嚴聞徹。呈解覺王。維靈感格。鼻孔最長。
其子昭奠。孝脉是昌。寶所不遠。直心道場。

○某居士忌

(川僧慈濟禪師)

固蒂雪霜後。深根天地先。拈來成美玉。滿室暖生烟。
維時何年月日。伏值當寺檀越某氏某靈何回忌之辰。
預於斯晚。虔備香華燈燭茶菓湯之儀。以伸供養。
謹集現前比丘衆。諷誦何經之次。借手山僧。

焚箇朽木。奉為覺靈莊嚴報地者。未審覺靈赴此法
筵。受此供養也無。 (插香云)

半夜木童敲月戶。暗中驚破玉人眼。

○某大姉忌

(同)

花片三飛六夢中。園林處々綠陰濃。娘生面目儼然在。
堪笑空生只解空。

伏值 (稱呼) 何忌之辰。謹焚箇朽木。奉供養十方

三世佛菩薩。及十殿大王地府冥官等。所萃善利。
奉為淑靈莊嚴報地。即今問淑靈。還覺此香穿過鼻

孔也無。

海底泥牛消息斷。薔薇香動一簾風。

○某居士忌 (居士武門之人) (曹源滴水禪師)

(拈香去) 這香。根盤鷲嶺。發頭陀微笑香氣。

四七聞之。觀面薰破。一二三嗅之。換骨鍊形。

即令任手拈來。供養盡虛空界一切三寶。所鳩殊勳。

專資冥福。原夫居士。

武林翹楚。

士府英靈。

聰明勇敢。決事如破一竿大竹。

寬仁弘度。容物似漾萬頃滄溟。

只好泛愛。肯容嫌用酷刑。

能抽丹心。為官家柱石。

又出隻手。護佛祖門庭。

這般慈善出手。厥天性。一段光輝堪照彼幽冥。

正與麼時。齋筵追薦。句子如何舉似。 (拂一拂云)

茫茫三界隨眠夢。一炷煙中特地醒。

○薦檀門各靈 (同)

這香。功德花心。非假陽和之力。

誠心根帶。何勞刀斧之功。

阿伽噓尚難比。鷓鴣班豈是同。

化作寶幡旛蓋。則覆遍法界。

變作紗衣服雲。則包太虛空。

價超輕重。量絕纖洪。

此是某大和尚。生前滅後真正放收。橫說堅說猶有未周。即今現個大人相。且道將何摸索。(良久云)

誰知四八端嚴相。圓圓元是西天老比丘。

○為某尊宿 (千丈實嚴禪師)

不向如來行處行。丈夫志氣自天生。轉身端的無多子

踢倒從前傀儡棚。此是某大和尚。出生入死得大自

在底。可謂。風采脫灑。頭角睜爍。

足見多年參尋知識。瞎却眼睛。

無愧。一旦豎起法幢。匡領徒衆。

堪稱苦海船筏。豈非佛國干城。

即今戲化歸那伽。實為一宗不幸。

此日盡衰收設利。須鑒四輩至誠。

正與麼時何處。見得某大和尚金剛正體。不關幽明。

(良久云) 薛荔風飄金片々。蒹葭露碎玉晶々。

○為某尊宿 (善教普濟禪師)

幻生幻滅一彈指。七十餘霜(七十二字應)一刹那。位

裏轉身人不會。寒江明月屬蘆花。共惟新股涅槃當山

何世某大和尚禪師。宗門棟梁。清白傳家。

不墮先聖途轍。脫却衲僧舊窠。

拈槌豎拂。作家宗匠。

接物利生。親切老婆。

自由三昧。去來隨他。

不證後彌勒。不匹前釋迦。

跋々挈々。和々哆々。

雖然與麼。即今臨行底。六句作麼生。(以火把打圓相)

云。看雪點紅爐。炤發冰河。

○為某尊宿。(實崇良秀禪師)

幻生非生來無所從。入滅不滅去無所至。自無住本流

出萬端。妙應無方獨尊無二。共惟(稱呼)

或時有落艸談。與奪縱橫垂示。或時坐斷報化佛頭

超過三賢十地。偏豈單行。偏正回互。不離本位。

正孤不立。偏豈單行。偏正回互。不離本位。

禁足也兩脚踏天。冲霄漢無依倚。

安居也轉大法輪。入火光現三昧。

恁麼說話且置。某大和尚即令兼帶穩密底。一句作麼生

(打圓相云)風化不傷的意立。光中有路天然異

○為某寺世代某和尚。(玄樓與龍禪師)

秋風浙瀝草蟲鳴。林壑慘然殺氣橫。諸法本來斯寂滅

轉身胡入涅槃城。共以當山河世某大和尚。

家風篤實。道眼圓明。

初依鈍翁。鈍依其人可改二字蹈翻俗家窠臼。

親見拙軒。此同上拙軒二字奪得宗門權衡。

是以不言所信。無為自成。

久住此山垂隻手。均向彼岸度群生。

化緣有限，遂斂一氣於未發。

世相如是，忽謝百年之閑名。

怎麼謝畢後，更復有甚麼消息。(拂一拂云) 嘆。

虛空為薪，三昧火。烈焰堆中亦涼清。

○為某大和尚(龍華云和尙)

古渡寂寥亡所依，舟師無復辨來機。寒松宿月烟巢鶴

夢覺江天自在飛，伏惟(稱呼)

掃却蹤跡，出頭離微。

今日適西歸，情已千休亦万歇。

昔時示西來意，離四句絕百非。

所以枯木裏龍吟起，秘曲人闕樓裏眼睛發光輝。

嗚呼。化緣既畢，入境亦遠。

會者定離，乍殘景桑榆脫餘影。

生者必滅，奈成溪桃李謝芳菲。

此是某大和尚，生前滅後真正三昧，只出生入死大

用現前不存軌則底樣子。且道將何髣髴依歸。(良久云)

海中穩駕泥牛入，天上倒騎鐵馬歸。

○為某尊宿(古德)

慈月從他暫掩光，孤明歷々施存亡。即今末後臨行處

徧界不藏火裡霜，恭惟(稱呼)

峻機圓轉，大用難量。

隨順萬品衆生，山門頭合掌。

莊嚴恒沙梵死。

佛殿裏燒香。

正作人天之摸範。

幸為末世之津梁。

破衲僧見纏。

不着玄妙解會。

透佛祖關捩。

不作奇特商量。

赤洒々沒窠臼。

淨裸々絕承當。

雖然恁麼。

大圓鏡裡穩坐底。

又且如

何宣揚。

萬派百川歸巨海。一輪紅日上扶桑。

●亡僧秉炬銘

○為某和尚

（旃崖奕堂禪師）

踢翻四胎相。倒拳倒五須彌。亦大安樂境界。穩坐瘦蚊眉。

共以（稱呼）物齊蝶夢。影了蛇涎。

欲知端的出身處。

南薰殿閣足涼吹。

更無禪可證。

何有戒可持。

釋迦彌勒奴兒婢。

上下方維無等匹。

明皎々地絕毫釐。

不屑神通並妙用。

唉他龐老困。

多岐。即今不因多岐。

直赴一路底行履。

如何涉唇

皮。（擲矩云）

啼月杜鵑知此意。

一聲々在不萌枝。

○為某長老

（旃崖奕堂禪師）

踏破曹源連底凍。

無邊應用不存功。

翻身妙術機前在。

高駕金風入性空。

共以（稱呼）

會無所入。空豈有所空。

色空詮斷。明暗爭理。舜若多神失却本命宮，

直得。八達七通。上無攀仰。

左潑右轉。下絕已躬。

某甲長老本然氣宇。儼爾未散面目玲瓏。

雖然與麼末後臨行一曲。自在別調中。個裡若有知音，

客。鞭回途右馬出紗籠。請一轉語云々。各々踐行。

一句。雖酬唱分明。更聽取山僧重移風。(拋矩云)

等閑觸破虛空骨。火裏蠅螬吞大蟲。

○為某上座(千丈實巖禪師)

淨極光通轉要樞。妙圓寥廓照空虛。恁麼來也恁麼去。

雪後寒山明月孤。夫惟某上座。

遁跡家室。(應其人)投身江湖。

皓潔禪心。如爛泥生菌菴。

蕭灑氣概。似寒水浸葫蘆。

漆園蝸牛戰爭。唉殺蠻觸。

趙州狗子佛性。參究有無。

即今轉身自在謝絕親疎。且道將箇甚麼端的指呼。

(良久云)春樹林頭雪成露。隨風分碎夜明珠。

○為某上座(善教普濟禪師)

太尊貴生。無位真人。涅槃生死。是一聚塵。伏惟

某上座。

一十七年。一刹那辰。

靈々不味心性。涅不緇磨不磷。

得生於天地前。唱滅於劫外春。

生滅滅已。寂滅為樂。

遊戲三昧處。百花自精神。

末後轉身自在脚跟。一句作麼生。
(打圓相云)

無憂亦無喜。火燄裡橫身。

○為某上座
(巴山道白禪師)

祖意明々不覆藏。菩提道果自然長。雲晴獨露天心日

風送清虛一味涼。正當恁麼時上座有個末後句。平

生道友要聽取麼。歸命大悲觀自在。河沙徧照紫金光

觀音來也急須承當。
(拈起火把咄一咄云)

大地火發真遊戲場。
(龍華云和尚)

○為某上座

金蛇出草角崢嶸。白日指天歸太清。坐斷十方無向背

出離三界路縱橫。夫惟新圓寂。
(稱呼)

數盡信受。符到奉行。

四大分離。真見更無影像。

六門空寂。真得何有閑名。

直得。掀翻八萬四千煩惱海。踢倒三百由旬幻化城。

與麼行履猶是某上座向去底。且道轉身一路又作麼生

(拋下火把云)性火真空性空火。通身一段淨光明。

○為某上座（古德）

洞家種族稱芳名，入寂道風一倍清。海月雲山情盡後，蓮華火裡帶香生。

六門修證方立，真諦行已成。

本是受旨訣於禪，玉向泥中潔。

尋常深夙薰於般若，世世松經雪後貞。

若是非，万人之傑。夫決定則千人之英。（咄一咄云）

丈夫自在，衝天志。不向如來行處行。

○為某上座（古德）

佛事門中情盡休，此身無喜亦無憂。出生入死尋常見，華落從教逐水流。夫惟（入名）

志操謹慮，識性和柔。

一步未到，牢關。掀翻是非，窠窟。

兩脚徐立，覺岸。截斷凡聖，蹤由。

半輪月墜西海，一片雲橫嶺頭。

雖然與麼，更有末後句在。

見大虛空外，鐵船水上浮。

◎在家秉矩（名引導法語）

○為某居士（掩土）
（匡山道白禪師）

浮雲起滅在風前，幻化空身四十年。（依其人可改四字）江

上曲終人不見，白鷗煙沒水連天。伏惟（稱呼）

緇東魯卷，參西來禪。

正法眼破沙盆。何必說妙。

清淨佛乾屎橛。切忌說玄。

爐中雪點沒蹤跡。水上胡蘆絕蓋纏。

月華吟遊。囊底有三千首。

工夫放下。手裏無半文錢。

奉佛誠恟至。護法願力堅。

上來總是平日受用。即今如何。錢錦旋。咄。

甘心無疑事。所向非徒然。

○為某大姊 (掩土) (五山道白禪師)

盤中影落崑岡玉。鎚下聲高麗水金。不轉關門遊戲。

步。輕々踏斷去來今。恭惟新物故某大姊。

常伸破環手。重垂斷機箴。

不說人間是非。開窓對月。

為蕩胸中喜怒。升堂彈琴。

氣宇涵滌海。眼底空蹄泮。

躡龍女蹤。將取二四成道。

發提希願。既滿十六觀心。

未後安身處。如何解追尋。 (拂一拂云) 咦。

靈光片々。三界平沈。

○為某信女 (于時三月) (五山道白禪師)

往日漚生々未生。即今幻滅々何滅。只將桃萼雨餘紅。

燒却靈雲雙眼楔。夫以 (稱呼)

片真孤明。千休萬歇。

歸元一句如何辨別。

虛空撲滅時。 万里一條鐵。

○為某天姊（手時四月） （記山道白禪師）

會聞末後關訣。今日臨行用得奇。慶快平生個時節丙

丁燒却兩莖眉。大姊大姊。去莫遲疑。

幻化空身即法身。 展手打破明鏡。

無明實性即佛性。 檀脚踏斷紅絲。

踏斷紅絲人不見。 杜鵑啼在落花枝。

○為某信女（手時七月） （記山道白禪師）

殘暑退時宿雨清。 新涼動處晚風輕。 火界定中涅槃城

一路門開不問程。 共惟（稱呼）

感幻影病。 空露電生。

無量劫來愛根。 拔却方盡。

有漏海中癡暗。 照了始明。

正與麼時。 菩提果自成。

不結蓮胎夢。 菩提果自成。

○為某大姊「舉鏹」 （記山道白禪師）

心已明時法亦明。 是心是法脫凡情。 別無聖解逞知見。

贏得蓮華鏹下生。 恭以（某人）

一念三千。 水流山峙。

一報七十。 漏盡鐘鳴。

塵々菩提道。處々涅槃城。

恁麼恁麼活却從前死路頭。

不恁麼不恁麼死却從前活路頭。

惟惺惟寂。埋向同坑。

推到者裏畢竟如何。

天真獨露天眞鑒。今古依然光自清。

○爲某居士 (石山道白禪師)

心境雙忘了已躬。本源自性是真空。須彌擊碎無消息

一片落梧夜雨中。伏惟新物故某居士。

一家巨擘。四海英雄。

生前臂鷹之手。擒佛捉祖。

末後搏虎之勢。如覓似虹。

勘破偏法窟。往來諸禪叢。

鬼角橫拈。等閒打潭底月。

龜毛倒用。任運縛樹頭風。

到這裡。無見涅槃生死。何論地獄天堂。

雖然與麼。且道居士其來也何爲始。其去也何爲終。

(良久云) 喚。

昨夜金烏飛入海。今朝依舊一輪紅。

○爲某居士 (曹源滴水禪師)

悟迷夢覺耶耶國。淨穢影空幻化城。圓覺伽藍不遮掩。

塵々放出普光明。(稱呼)

官府忠傑。武門良英。

全身獨露。雲在嶺頭閑不徹。

脫體現成。水流澗下太忙生。

本來無聖解。何處有凡情。

一毛端上。突出舜若多鼻孔。

百艸頭邊。豁開爍迦羅眼睛。

受用無盡。逆順縱橫。

雖然恁麼。更有向上關捩子。山僧爲汝撥轉去。(拋火)

云) 鐵牛掣斷龜毛索。直踏毘盧頂顛行。咄。

○爲某居士(掩土) (曹源滴水禪師)

德澤淋漓潤庶民。寬仁忠恕出天真。只斯一片慙慈念

撥轉毘耶正法輪。伏以某居士

汗馬哲匠。武門柱礎。

越山吳地。步步無非妙莊嚴域。

春華秋月。頭々全彰淨法界身。

六用虛豁。三際彌綸。

常揮鏌耶寶劍。斬却無明山上惡獸。

或垂公望竿線。釣得般若海中巨鱗。

即彼世間相。遊戰方外津。

入真如際不住真如。泥牛耕破劫前地。

在生死中出離生死。木馬趨奔陌上塵。

到這裏。論甚麼佛界魔界。說甚麼緣因了因。

這箇是真俗不二解脫三昧。轉身一句有個指陳。露。毘嵐特地捲天地。冷笑來無位人。

○為某居士

(捲土)

(曹源滴水禪師)

佛魔畢竟鏡中影。迷悟都來盃裡弓。盡謂壽翁壽已盡。石亭卓掌聳蒼穹。伏惟 (稱呼)

當陽領會。

勿駐九牛。

腦後神光。

燦破三際。

格外玄機。

包括十方。

其玄機也恢々乎蕩々乎。廻出思議邊表。其神光也昭々焉煌々焉。直脫幻妄羅籠。

夜明符不勞拈起。金剛劍豈費磨礱。

轉轉々碧落清霄。

發揮劫壺空處消息。

活撥々寒雲飛雪。

露出威音那畔家風。

是真是俗。

絕異絕同。

只如向上鉗鎚子。即今如何提持去。

(良久云)

虛空突出頂門眼。

半夜金烏遍界紅。

○為某大姊

(曹源滴水禪師)

本源自性是天真。法器何論五障人。不信祇看烏藤上。優曇華發妙馨新。茲惟某人。

華柳肺肝。

冰雪精神。

生也全機現。

海底泥牛舒白月。

死也全機現。

火中木馬起紅塵。

到這裡。千聖難尋朕迹。列祖無由指陳。畢竟如何辨歸處。
(拋火把云)

百尺竿頭進一步。十方刹土現全身。

○為某大姊 (掩土) (曹源滴水禪師)

虛玄大道榮衰外。萬古峯巒翠浸天。頂門著隻光明眼。歷々肇公物不遷。
夫惟 (稱呼)

直下證徹。莫涉周旋。

真諦俗諦。不二散華女侍維摩室。男相女相。無差然末山了祖師禪。

處々公案現成。的々直指單傳。

正當恁麼時。末後玄訣有箇條章。不免為大姊班宣。

山形柱杖翻筋斗。直下觸破盡三千。

○為某大姊 (掩土) (曹源滴水禪師)

脫下娘生臭鬪鬪。天涯萬里絕蹤由。蹤由絕處無多子。蘆月混邊暗點頭。
共惟 (稱呼)

聖賢電拂。大千浮漚。

死袴生衫無能絆。貪羶愛鎖何得留。

盡乾坤露出涅槃路。遍虛空打開解脫樓。

正與麼時將何餞行裝。
漚。

一句當陽端的々。木人特地叫啾々。

○為某童子 (掩土) (曹源滴水禪師)

寄迹閻浮僅五霜。電光影裏去茫茫。彩雲迸散瑠璃碎。

千古綠峯無變更。正當恁麼時。(入名)

芳槿一朝榮茂。何曾為短。

大椿八千春秋。豈足為長。

本來無壽相。什處有身量。

不勞逸多大士彈指。直撞入舍那閣。

不費善財童子參步。頓逍遙常寂鄉。

雖然與麼更有末梢一句。試聽鈇子舉揚。(良久云)

夜來忽爾嵐風起。雨打薔薇滿院香。

○為某軍人。(川僧慧濟禪師)

鐵肝鐵面冠群倫。海內英雄是箇人。執盡後前間佛祖。

倚天長劍轉精神。共惟(名)

入涅槃覺城則。龍驤虎步。

摧煩惱魔軍則。鸚鵡視鷹瞬。

與其仁而。嘗崖密之甘冷。

存其義而。發山薑之芳辛。

仁心義氣千萬古。煩惱涅槃一微塵。

截斷這般間露布。威音劫外現全身。

即今劫外全身。有相見底麼。(放擲矩云)

紅爐片雪忽消去。露出不萌枝上春。

○為某軍人。(川僧慧濟禪師)

欲破魔軍万丈城。牙璋特地起心兵。百年汗馬功成後。

今日歸程歌太平。恭以(稱呼)

青山深處來時路。

透過白雲信足行。

去々來々不變異。

不變異處太分明。

看々葉落花開裡。

亞出頂門活眼睛。

灼然照破四天下。

百艸頭邊曙未萌。

且問諸人不變異處。

作麼生得去。(投火把云)

万古長空風月夜。

羅衣縹緲步虛聲。

○爲某居士

(居士武門人也) (川僧慧濟禪師)

忠心貫日義飛霜。

六國平來七十創。

三尺吹毛藏匣裡。

龍光猶射斗牛傍。

共惟(稱呼)

國家柱石。

世俗津梁。

一身都是膽。

彎弓掛扶桑。

八面受敵。

法戰一場。

殺祖殺佛。

匹馬單槍。

大功不立賞。

一曲唱還鄉。

且道還鄉一曲如何舉揚。

(良久云)

昇平無事日。

道路不齎糧。

○爲某軍人

(川僧慧濟禪師)

國家猛將得斯人。

汗馬功高勢絕倫。

四海歡呼民草偃。

凱歌一曲喜津津。

共惟(名)

干戈滿地何日息。

安危只在柱石臣。

今日却將提劍手。

涅槃城裏逞威神。

生死魔軍皆截斷。

六國一時靜風塵。

功成名遂歸家日。我馬既秣我車巾。

且道歸家一句。作麼生指陳。(良久云)

收取詩畫歸舊隱。落花啼鳥一般春。

○為某居士 (川僧慧濟禪師)

通霄一路太恢宏。若聖若凡皆共行。未審路頭何處所。

紅爐焰裏怒雷轟。恭惟 (名)

一雙白壁。攀弟梅兄。

連枝同氣。豈分紫荊。

天地變化。人道惡盈。

故出苦域。忽赴佳城。

迅雷震處。喚起趙清獻。

鳴蛙聒時。誤殺張九成。

石女舞成長壽曲。木人拍手唱無生。

水鳥樹林齊說法。大地出河露眼睛。

寥寥跡絕全功轉。歷々光生借位明。

借位明功三更日午。借功明位日午三更。

恁麼告報。猶涉途程。未後履踐。兩手相呈。(拋炬云)

鰲歸海殿晚潮落。兔過星河夜魄清。

○為某禪定門 (川僧慧濟禪師)

超越重々佛祖關。上頭一路隔塵寰。謝郎空載滿船月。

又宿蘆華深處灣。共惟 (名)

身雖處隘巷陋室。氣堪挫四海八蠻。

管中窺豹。

只露一斑。

所以。踢翻洋銅熱鐵。

拳倒劒樹刀山。

流星掣電。

杳絕追攀。

空劫已前事。

都在目擊間。

却來也。

雲無心而出岫。

向去也。

鳥倦飛而知還。

來々去々。

無端如環。

紫羅帳裏絕視聽。

夜明簾外早排班。

今朝拂袖便去。

錦衣不可牽板。

奉餞折柳一曲。

宓希微笑破顏。

(良久云)

水流縱急境常靜。

花落雖頻意自閒。

○為某優婆夷

(川僧慧濟禪師)

苦海慈航駕者誰。

善哉現婦女身時。

補陀岩上春幾過。

小白華前歸去來。

共惟 (名)

如靈照女。

似尼總持。

觀世危脆。

九卵累棊。

電光石火。

歲月推移。

不行死路。

頓捨有為。

超越凡聖。

淨盡狐疑。

青天白日。

雲霧忽披。

與麼則。閻羅老子未曾見伊。

處々沒蹤跡。不泣亡羊。

岐。怎麼告報皆是入艸。

出艸一句如何指塵 (投火把)

云。 咄。 破鏡不重照。 落花難上枝。

○為某大姊

(川僧慧濟禪師)

智不到時一句無。 強言一句便齟齬。 雖然一句分明在。 截鶴元來只續鳧。 共惟 (稱呼)

雖處女流內。 便是大丈夫。

眉間掛寶劍。 斬却老臊胡。

仁義道中語。 推倒覺師姑。

頂門具正眼。 衣裡繫明珠。

所以。 迷雲散盡。 愛河乾枯。

諳三界涸轍鮒。 觀百年過隙駒。

縱斷煩惱。 持盞測海。

直入涅槃。

待兔守株。

與麼則。

說甚麼。 出生入死。 堪笑百丈脫野狐。

五百生來野狐窟。 迷却多少大毘盧。

毘盧正體藏不得。 日輪夜半照閻浮。

這箇是大姊一生履踐。 臨行一句如何唬呼。 (擲炬云)

百煉精金無變色。 今朝重試入紅爐。

○為某信女

(川僧慧濟禪師)

踢翻四大海。 拳倒五須彌。 大人真境界。 穩坐瘦蚊眉。 伏惟 (稱呼)

即今忽現大人相。 娘生破袋脫下時。

天上天下無等匹。 明皎々地絕毫釐。